

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 30 1940

T9299/2914

10



翰林卷四十九

哈佛大學漢和  
圖書館珍藏印

宣城華陽徐元  
太汝賢父編輯

猶子徐胥慶無猜父校

徐衍慶伯蕃父閱

人事門 四十七

混淆

或以其酒不以其漿  
鞞鞞音瑁佩璲不以其長詩小雅大東

君臣賢愚適同如鳥雌雄相似誰能別異之乎鄭氏箋詩

正月

屨以兩隻為具五為數之奇言葛屨服之賤雖有五

俞木人事 卷四十九 混淆 王承譽書



兩其數雖奇以冠綏往配而雙止則非其宜毛詩正義南山

悲時俗之險阨今哀好惡之無常棄衡石而意量兮

隨風波而飛揚後漢書馮衍傳

欲以雞鶩廁鴛鴻於池沼將移瓦礫參金碧之聲價

陳書蔡景歷傳

致使薰蕕之質均誨學庭蘭蕭之體等教文肆魏書南安

王植子英傳

則鄭璞於周寶編魚目於隋珠魏書李順希仁弟騫傳

當今之世醜必託善以自為解邪必蒙正以自為僻

遊不論國仕不擇官行不辟汙曰伊尹之道也分別

爭財親戚兄弟構怨骨肉相賊曰周公之義也行無

廉恥辱而不死曰管子之趨也行貨賂趣勢門立私

廢公比周而取容曰孔子之術也此使君子小人紛

然殺亂莫知其是非者也故百川並流不注海者不

為川谷趣行踳馳不歸善者不為君子淮南子秦族訓

黃白色也眾馬形也而獨以色為形飛者入池之謂

也公孫龍子白馬論註

牛騎同堂郭氏以亡焦氏易林小畜之晉

牛馬聾蒯不知聲味遠賢賤仁自令亂憤焦氏易林頤之鼎

次六升于堂顛衣倒裳廷人不慶測曰升堂顛倒失



大衆也 十六玄經 第一上

待遇苟合之人與忠直之士曾無別異猶并紉絲與

茅共為索也 王逸註楚 辭惜誓

言患苦衆人稱物量穀不知審其多少同其稱平以

失情實則使衆人怨也以言君不稱量士之賢愚而

同用之則使智者恨也 王逸註楚 辭惜誓

言君選士用人雜用駑駿不異賢愚若駕罷牛驂以

騏驥才力殊也 王逸註楚 辭七諫

園澤為珠麤瑤為璣以言君不知賢愚忠佞之士猶

雜魚眼與珠璣同貫而不別也 王逸註楚 辭七諫

言持崑路香直之草雜於廢蒸燒而燃之則不識於

物也以言取忠直棄之林野亦不知賢也 王逸註楚 辭七諫

言世人不識善惡乃以甌窰之士雜廁圭玉又使醜

婦與好女同室也以言君闇惑不別賢愚也 王逸註楚 辭哀

時命

言已君不明智斥逐忠良而任用佞諛委棄明珠而

具魚眼乘駑麤雜駿馬重班駁喜闕茸心迷意惑終

不悟也 王逸註楚 辭九難

君不識賢使紫奪朱世無別知之者 王逸註楚 辭九思

紫朱雜廁瓦玉雜糅 王克論衡 對作篇



竊華名者螻蜥騰於雲霄失實賈者翠虬淪乎九泉

於是斥鷃凌風以高奮靈鳳卷翮以幽戢鉛鋒克太

阿之寶犬羊佻勅高切獨行貌虎狼之資矣抱朴子外篇名實

以傾倚申脚者為妖妍標秀以風格端嚴者為田舍

朴駮抱朴子外篇疾謬

於是釋銓衡而以疏數為輕重矣棄度量而以綸集

為多少矣抱朴子外篇窮達

鶉鷄棲翔鳳之條鼃鼃游升龍之川識真者所為憤

結也文選陸士衡從梁陳詩註

璋珪雜於甌窰今隴廉與孟姬同宮補文選莊忌哀時命

繫累名利場駑駿同一軌廣文選阮嗣宗詠懷詩

玉與石而同價今貫魚眼與珠璣駑駿雜而不分今

服罷牛而驂驥廣文選東方曼倩哀命

或偷合而苟進今或隱居而深藏苦稱量之不審今

同權槩而就衡或推逸而苟容今或直言之諤諤傷

誠是之不察今并紉茅絲以為索廣文選賈誼惜誓

以為聖人純一之教不如賢者支離之術鄭衛可以

易咸池激楚可以陵韶武耶藝文類聚刑法部刑法議

謂蜥蜴為神龍者非但不識神龍亦不識蜥蜴太平御覽

蟲多部 守宮

介木人事 卷四十一 混淆



名實失當賞罰妄舉是猶使屍起哭而代大匠斲也

夫死人無為而子弟悲者以為死而不為哭也不與

方圓而處大堂者任大匠而身無作也使屍起哭則

哭者亾主人代匠斲則功不成道德經指歸卷十二

譬若男子欲見大海者尚未見大海若見大陂池水

便言是水將無是大海道行波羅蜜經卷四

猶如稗麥在好麥中大寶積經卷一百一十三

猶如梅檀之林鄉以伊蘭臭穢亂于真正法海經尺一

譬如醍醐蜜雜以辛苦鹹修行道地經慈品

譬如甜藥雜以鹹苦不可分別修行道地經慈品

梅檀與蓼蘇同芬夜光與熠燿齊暉弘明集十三

玉石同置倚頓為之於慳朱紫相奪仲尼為之歎息

弘明集牟子理惑論

聖教綿遠終使鼠璞濫名玄化幽微遂令雞鳳混質

辯正論卷六

如人不識金以鍤石為妙高僧傳二鳩摩羅什

無以穢食置於寶器維摩詰所說經弟子品

計失

商人慮有陰雨宜用輔以佐車今其車既載重矣乃

棄爾之車輔反令車載溺也以喻王政慮有傾危宜



用賢以治國今其既有大政矣乃棄汝之賢人反令國政亂也車既棄輔又遇陰雨則隳敗汝之車載既隳敗然後請長者助我則晚矣以喻國既棄賢又遇傾敗則滅亡汝之國國家既滅矣然後求賢人佐已則亦晚矣王何不及其未敗用賢自輔乎

毛詩正義正月

之國語

夫天子國之棟也棟成乃制之不亦危乎

國語

夫攻形不如越而攻心不如吳而君臣上下少長貴賤畢呼霸王臣竊以為猶之井中而曰我將為爾求

火也

戰國策韓釐王

語曰寧為雞口毋為牛後今大王西面交臂而臣事

秦何以異於牛後乎

戰國策韓昭侯

今人有謂臣曰入不測之淵而必出不出請以一鼠首為汝殉者臣必不為也今秦不可知之國也猶不測之淵也而許綰之首猶鼠首也內王於不可知之秦而殉王以鼠首臣竊為王不取也

戰國策魏安釐王

以地事秦譬猶抱薪而救火也薪不盡則火不止今王之地有盡而秦之求無窮是薪火之說也

戰國策魏安釐

王



王獨不見夫博者之用梟邪欲食則食欲握則握今君劫於羣臣而許秦因曰不可革何用智之不若梟

也戰國策魏安釐王

秦敗魏於華魏王且入朝於秦周訢謂王曰宋人有學者三年反而名其母其母曰子學三年反而名我者何也其子曰吾所賢者無過堯舜堯舜名吾所大者無大天地天地名今母賢不過堯舜母大不過天地是以名母也其母曰子之於學者將盡行之乎願子之有以易名母也子之於學也將有所不行也願子之且以名母為後也今王之事秦尚有可以易入

朝者乎願王之有以易之而以入朝為後戰國策魏安釐王

臣聞爭名者於朝爭利者於市今三川周室天下之

市朝也而王不爭焉顧爭於戎狄去王業遠矣戰國策秦

惠文君

今使太子將之此無異使羊將狼也史記留侯世

欲湯之滄一人炊之百人場之無益也不如絕薪止

火而已不絕之於彼而救之於此譬猶抱薪而救火

也前漢書枚乘傳

父子首足也昆弟四支也當使筋骨髓血動靜足以

相勝長短大小幹用足以相衛豈有割脛致腹取骨



肉以增頭刻背露骨剝膏腴以裨領而謂顛顛魁岸  
可得比壽松晉喉咽擁腫必能長生久視哉

後漢書志百官

及今成計殊尚善也過是欲少味矣

後漢書馬援傳

議者喻以補衣猶有所完詔恐其疽食侵淫而無限

極

後漢書虞詡傳

豈有觸冒死禍以解細微譬猶療饑於附子止渴於

酖毒未入腸胃已絕咽喉豈可為哉

後漢書霍諝列傳

夫繼食鷹鳶欲其鷙鷙而亨之將何用哉

後漢書蓋勳列傳

豈敢傾根竭本寄命洪流以徼乾沒乎

魏志傳蝦

若棄紹近援而求瓚遠助此假人於越以救溺子之

說也

魏志程昱傳

此何異乎抱薪救焚扇火止沸哉

魏志公孫瓚傳註

無異於埋金路隅而書表於上也雖甚愚之人必將

笑之

晉書皇甫謐傳

若乃海運既徙而鵬翼不舉末結根於南垂廢神州

於龍漠

晉書桓溫傳

保左右議曰蝮蛇在手壯士解其腕且斷隴道以觀

其變從事中郎裴詵曰蛇已螫頭頭可截不

晉書索靖傳

陛下心腹四支何處無患復誅巫咸戮扁鵲臣恐遂



成桓侯膏肓之疾後雖欲療之其如病何晉書劉聰傳

繫狗當繫頸今反繫其尾何得不然晉書惠賈皇后傳

非徒不足致益乃是蠶漁之所資晉書董景道傳

今人知不以羊追狼蟹捕鼠而令重車弱卒與肥馬

悍胡相逐其不能濟固宜矣宋書周郎傳

發雷霆之怒爭蟲鳥之氣南齊書孔雜主傳

愛毛反裘甚無謂也魏書高祖上紀

將涉千里殺騏驥而策蹇驢可悲之盛北齊書楊愔傳

譬之畜狗本取其吠今以數吠殺之恐將來無復吠

狗北齊書酷吏宋遊道傳

莊子曰齊人躋子於宋者其命閹也不以完其求鉞

鍾也以束縛其求唐子也而未始出域有遺類矣夫

楚人寄而躋閹者夜半於無人之時而與舟人鬪未

始離於岑而足以造於怨也莊子徐無鬼

子墨子謂魯陽文君曰今有一人於此羊牛犗豢維

人但割而和之食之勝食也見人之生餅則還然竊

之曰舍余食不知日月安不足乎其有竊疾乎魯陽

文君曰有竊疾也子墨子曰楚三意之田曠蕪不可

勝辟評靈數千不可勝見宋鄭之間邑則還然竊之

此與彼異乎魯陽文君曰是猶彼也實有竊疾也墨子



我不以貨事上而求遷者則如以狸餌鼠爾必不冀矣若以情事上而求遷者則如引諸絕繩而求乘枉

木也愈不冀之矣

商子農戰

爭利如蚤甲而喪其掌

荀子大畧

是渠衝入穴而求利也是仁人之所羞而不為也

荀子

疆國篇

事疆暴之國難使疆暴之國事我易事之以貨寶則貨寶單而交不結約信盟誓則約定而畔無日割國之鎡珠以賂之則割定而欲無馱事之彌煩其侵人

愈甚必至於資單國舉然後已雖左堯而右舜未有能以此道得免焉者也辟之是猶使處女嬰寶珠珮寶玉負戴黃金而遇中山之盜雖為之逢蒙視訕要撓膺君廬屋妾由將不足以免之

荀子富國

魯穆公使眾公子或宦於晉或宦於荆犁鉏曰假人於越而救溺子越人雖善游子必不生矣失火而取水於海海水雖多火必不滅矣遠水不救近火也今晉與荆雖強而齊近魯患其不救乎

韓非子說林上

昔泰伯嫁其女於晉公子令晉為之飾裝從衣文之媵七十人至晉晉人愛其妾而賤公女此可謂善嫁



妾而未可謂善嫁女也楚人有賣其珠於鄭者為木  
蘭之櫃薰桂椒之櫃綴以珠玉飾以玫瑰輯以翡翠  
鄭人買其櫃而還其珠此可謂善賣櫃矣未可謂善

鬻珠也

韓非子外  
儲說左

君子終日行不離輜重也邦者人君之輜重主父生

傳其邦此離其輜重者也

韓非子  
喻老

今世上下筮禱祠故疾病愈來譬之若射者射而不

中反修于招何益于中夫以湯止沸沸愈不止去其

火則止矣

呂氏春  
秋盡數

弗肯早為已乃墮骨肉之屬而抗到之

賈子  
宗首

魯人身善制冠妻善織履往徙於越而大困窮以其

所修而游不用之鄉譬猶樹荷山上而蓄火井中操

釣上山揭斧入淵欲得所求難也方車而躐越乘桴

而入胡欲無窮不可得也

淮南子  
說山訓

遺人馬而解其羈遺人車而脫其轆所愛者少而所

亡者多故里人諺曰烹牛而不鹽敗所為也

淮南子  
說山訓

壞塘以取龜發屋而求狸掘室而求鼠割唇而治齩

桀跖之徒君子不與

淮南子  
說山訓

治鼠穴而壞里閭潰小炮而發瘞疽

淮南子  
說林訓

拾茂林而集於枯不弋鵠而弋鳥難與有圖

淮南子  
說林訓



昌羊去蚤虱而來泠寤除小害而致大賊欲小快而

害大利淮南子說林訓

為酒人之利而不酤則竭為車人之利而不僦則不

達握火提人反先之熱淮南子說林訓

夫鵲先識歲之多風也去高木而巢扶枝大人過之

則探殼嬰兒過之則桃其卵知備遠難而忘近患故

秦之備胡也烏鵲之智也淮南子八間訓

強養弱抑則齊民消若衆穢之盛而害五穀鹽鐵論禁耕

夫不早絕其源而憂其末若決呂梁沛然其所傷必

多矣鹽鐵論禁耕

無異於愚人反裘而負薪愛其毛不知其皮盡也鹽鐵論

論非鞅

崇利而簡義高力而尚功非不廣壤進地也然猶人

之病水益水而疾深鹽鐵論非鞅

此所謂攣胸之知而愚人之計也夫何大道之有故

曰小人先合而後忤初雖乘車卒必泣血此之謂也

鹽鐵論非鞅

夫犀象兕虎南夷之所多也騾驢駝比狄之常畜

也中國所鮮外國賤之南越以孔雀珥門戶崑山之

旁以玉璞抵鳥鵲今貴人之所賤珍人之所饒非所



以厚中國明盛德也

鹽鐵論 崇禮

今羸驢之用不中牛馬之功

音 颯

音 貂

旃罽不益錦

綈之實美玉珊瑚出於崑山珠璣犀象出於桂林此

距漢萬有餘里計耕桑之功資財之費是一物而售

百倍其價一也一挹而中萬鍾之粟也

鹽鐵論 力耕

是由棄江臯河濱而田於嶺坂菹澤也

鹽鐵論 輕重

匈奴貪狼因時而動乘可發颯舉電至而欲以誠信

之心金帛之寶而信無義之詐是猶親蹠躄而扶猛

虎也

鹽鐵論 世務

今不固其外欲安其內猶家人不堅垣墻狗吠夜驚

而暗昧妄行也

鹽鐵論 險固

終日逐禽罷而釋之則非計也

鹽鐵論 擊之

茫茫乎若行九臯未知所止浩浩乎若無網羅而漁

江海雖及之三軍罷弊適遺之餌也

鹽鐵論 西域

國有封疆猶家之有垣墻所以合好覆惡也室不能

相和出訟鄰家未為通計也

新序雜 事二

載金販狗利棄我走

焦氏易林 訟之旅

袍衣剝脫夏熱各寒

焦氏易林 大有之未濟

載土販鹽難為功力

焦氏易林 无妄之解

爭雞失羊亾其金囊

焦氏易林 恒之夬

俞木人事人卷四十一計失

三



築室水上危於一齒焦氏易林大壯之離

作蠶不織寒无所得焦氏易林家人之泰

折挺春稷君不得食頭痒搔跟无益於疾焦氏易林蹇之革

販鼠賣鼃利少无謀焦氏易林姤之晉

買椒失粟亾我大利焦氏易林萃之大壯

去辛就蓼毒愈酷甚避穿遇坑憂患日生焦氏易林豐之益

次三關無鍵舍金管測曰關無鍵盜入門也太玄經第一開

次五奔鹿懷颺得不訾測曰奔鹿懷颺奚足功也太玄

經第四唐

譬諸孺子掩目巨夫之腋而曰迹可乎申鑒俗嫌

信用衆愚欲以致治猶若駕跛鼈而欲上山我固知

其不能登也王逸註楚辭哀時命

居累卵之危而圖太山之安爲朝露之行而思傳世

之功豈不惑哉潛夫論貴忠

焚椒蘭其望治由倒裳而求領曹子建九詠

何異圖畫騏驥以代徒行之勞遙指海水以解口焦

之渴張魚網於峻極之巔施釣緝於修木之末雖自

以爲得所猶未免乎迂闊也抱朴子外篇安貧

今吾子督余以誨盜之業敦余以召賊之策進醜酒

以獻酬非養壽之忠益抱朴子外篇安貧



世人不問愚智皆欲識人之多見事之廣而不肯讀書是欲求飽而懶營饌欲暖而惰裁衣也

顏氏家訓勉學

菖蒲去蚤虱而來蚰蜒礮石止齒齩之痛而朽牙根躁痛雖弭必生後害此取小利而忘大利惟去輕害

而負重害也

劉子利害

一蕘之土固不能障塞江河是以其身沈沒也

前漢書註

師丹傳

臨川日暮而又相思何為汎舟而不濟以相從乎

李善

註文選曹子建朔風詩註

尋斧始於所庇制國昧於弱下

文選陸士衡五等諸侯論

割剝富强以養貧弱何異餓耕牛乘馬而飽吠犬棄

干將而礪鉛刃也

意林物理論

忿颯焚衣其損多矣忿爨之熟推甑而棄之損益多

意林物理論

趙簡子舉兵伐齊有被甲士申護笑簡子曰子何笑

對曰臣乃有宿笑當桑之時臣鄰家父與妻俱之田

見桑中女因追之不能得還反其妻怒而去之臣笑

其曠也簡子曰今吾伐國失國是吾曠也還師而歸

藝文類聚人部諷

亾載得輿所獲蓋寡爭雞失牛所損更大

文苑英華元世俊移



文

功以才成業由才廣若捨此不任防其後患是猶備

風波而逆廢舟楫非長計也

何氏語林德行襄陽記

鴟鴞所以愛養其子者適以病之愛憐養其子者謂

堅固其窠巢病之者謂不知託於大樹茂枝反敷之

葦蒿風至蒿折巢覆有子則死有卵則破是其病也

玉海詩

攷韓詩

譬如有人欲求香象得此象已捨而求跡

波羅蜜多經卷三百

三

譬如加餓狗捨其主食返從僕使而求覓

波羅蜜多經卷三百三

大唯逐塊不如逐人壞終不息外道亦爾不知斷生

終不離死

波羅蜜多經卷五百六十九

譬如狗子從大家得食不肯食之反從作務者索食

道行波羅蜜

多經卷四

譬如有人年耆極老身嬰長病卧在牀席不能起止

時有一人巨富饒財賚珍寶至病人所而語之言

我有緣事當至他方以寶相寄為我守護或十年還

若二十年待我還時汝當歸我彼老病人卧在牀席

無有子息唯獨一身彼人去已未久之間時彼病人

因至命終所寄財物悉皆散失彼人行還求索無所



大寶積經  
卷八十八

譬如有人到寶渚所捨帝釋青寶及大青寶金銀真

珠皆悉捨離大價之寶取於水精

大方廣十輪經卷四

譬如有人大搏擲令怖反走逐之不趣擲者

摩訶衍寶嚴經推七

譬如癡人破車遲牛欲過險道甚難可過

七佛所說神咒經卷

三

譬如商人計數金錢置一器中其子啼時授與一錢

彼器中錢日日損減

大法鼓經卷上

譬如大田家收入甚大豐但食不復種穀盡亦饑窮

佛說五苦章句經尺七

譬如有人卒患脊偻諸醫療治醫以酥塗上下著板

用力痛壓不覺雙目一時併出

百喻經卷上

譬如有人磨一大石勤加功力經歷日月作小戲牛

用功既重所期甚輕

百喻經卷上

破滅法炬自焦其心斫伐法樹乃殖毒林

本緣經鹿品

不應挑其右目以治左眼

本緣經持王子品

如有人欲食甘露而食毒藥欲求安樂而反入賊欲

安隱身反服非藥欲除斷渴愛反飲鹹水欲斷媯欲

反樂眾女

本緣經持王子品

譬如種穀雖多得收不復種種但稍稍飯雖久飯不

喻木人事

卷四十九

七計失



止會有盡時小道地經藉九

人治生譬如蜂作蜜採取眾華勤苦積日已成人便

竊取持去亦不得自食適自疲極三慧經藉八

昔有一婆羅門居家貧窮正有一牯牛犛乳日得一

斗以自供活聞說十五日飯諸眾僧沙門得大福德

便止不復犛牛停至一月并取望得三斛持用供養

諸沙門至滿月便大請諸沙門至舍皆坐時婆羅門

即入犛牛乳正得一斗雖久不犛乳而不多諸人呵

罵言汝癡人云何日日不犛乃至一月也而望得多

今世人亦如有財物時不能隨多少布施停積久

後須多乃作無常水火及以身命須臾難保若當不

遇一朝蕩盡虛無所護眾經撰雜譬喻經

得人梅檀林而但取其葉既入七寶山而更取水精

大智度論卷五

如人以手障鉞但自傷其手鉞無所損大智度論卷五十六

譬如人在寶洲但得水精珠則所利益薄大智度論七十九

是忿風濤而毀舟楫也弘明集九

無異人苦頭颯因欲并首俱焚患在足刺遂欲通股

全解不亦濫乎弘明集釋駁論

竭溟海而求珠淨康衢而徙石蓋勞力也辯正論卷六



以好旃檀貿易瓦木以金易鋤石以銀易白鐵以絹

易氈褐以甘露易於惡毒法苑珠林卷三

譬鼠入角路窮何趣法苑珠林卷二十

今愛榮而不知慕賢求福而不知避禍譬猶播植粃

糲而欲歲取精糧驅駕驚蹇而望騰超冀絕不亦惑

哉法苑珠林卷五十一

昔有一人貧窮困苦為王作事日月經久身體羸瘦

王見憐愍賜一死馳貧人得已即便剝皮嫌刀鈍故

求石欲磨乃於樓上得一磨石磨刀令利來下而剝

如是數數往來磨刀後轉苦憚不能上樓懸鈍上樓

就石磨刀深為人笑法苑珠林卷五十三

欲須甘果翻種苦栽欲除渴乏反趣鹹水法苑珠林卷五十五

譬如牛馱患車故欲使車壞前車若壞續得後車

扼其項領法苑珠林卷八十九

### 令反

罪諫臣而求直言亦猶北行詣越豈有得邪晉書慕容

猶揭表而令之止也管子君臣上

君使服之於內而禁之於外猶懸牛首於門而賣馬

肉於內也晏子春秋雜下

其在後世以急刻而責恕以譌偽而諫忠言非其願



意非其真而保人之弗叛悲夫是正坐於夕室也是白之懸而黑之募也是縱權於陸而發軔於川也其亦不可以幸而幾矣孔子華子贈孔子

疆令之笑不樂疆令之哭不悲疆令之為道也可以

成小而不可以成大缶醯黃蚋聚之有酸徒水則必

不可以狸致鼠以冰致蠅雖工不能以茹魚去蠅蠅

愈至不可禁以致之之道去之也策紂以去之之道

致之也罰雖重則雖嚴何益呂氏春秋功名

執彈而招鳥揮稅而呼狗欲致之顧反走淮南子說山訓

喻林卷四十九終

喻林卷五十

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 四十八

荒縱

終風且暴顧我則笑○終風且霾○終風且曠與縊同

不日有曠詩國風終風

新臺刺衛宣公也納伋之妻作新臺于河上而要之

毛詩新臺



盧令刺荒也襄公好田獵畢弋而不修民事百姓苦之故陳古以風焉毛詩盧令

隰有萋楚疾恣也國人疾其君之淫恣而思無情慾者也毛詩隰有萋楚

女所行如是猶鳥飛行自恣東西南北時亦為弋射者所得言放縱久無所拘制則將遇伺女之間者得

誅女也鄭氏箋詩桑桑

然淇則有岸隰則有泮以自拱持今君子反薄而棄已放恣心意曾無所拘制言淇隰之不如毛詩正義氓

沔然而滿者彼流水也此水之流湯湯然波流漫溢

無所入既不注於海復不入大川以興強盛者彼諸

侯也此諸侯奢僭放恣無所事既不朝天子又不事

侯伯毛詩正義沔水

駘然而疾者彼飛隼其意欲飛則飛欲止則止自由無所畏也以喻彼諸侯欲朝則朝欲否則否自恣無

所懼也毛詩正義沔水

駘然而疾飛者彼飛隼則已飛而不息則又加之游揚妄相擊害以興彼自恣之諸侯則已不朝天子則

又加以出兵妄相侵伐毛詩正義沔水

鳥飛無定之物人心有定之主今鳥有所至人心反



無至 毛詩正義苑柳

有鳥高飛謂其終無所至亦至于天而止也今彼人

幽王之心于何其所至乎言其心轉側無常人不知

其所止 毛詩正義苑柳

無客而飲謂之從酒今若子者晝夜守尊謂之從酒

也 晏子春秋雜論下

情所欲好耳所欲聽目所欲視口所欲嘗雖殊方偏

國非齊土之所產育者無不必致之猶藩牆之物也

及其游也雖山川阻險途逕修遠無不必之猶人之

行咫尺也 列子楊朱

縱而肆之其猶烈猛火於雲夢開積水乎萬仞其可

撲以箒篲遏以撮壤哉 抱朴子外篇疾謬

清論所不能復制繩墨所不能復彈遂成鷹頭之蠅

廟垣之鼠 抱朴子外篇疾謬

大過娣越姒媚 云貴切 陵姊風采 音迷 于陂舟休 音溺 于水

傳曰娣越姒長替於少也媚陵姊季僭於孟也風采

于陂過其度也舟休于水失其節也 元包孟陽

喘悸之息以喉為節言情欲奔競所致 莊子音義大宗師

過屠門而大嚼雖不得肉貴且快意當斯之時願舉

泰山以為肉傾東海以為酒伐雲夢之竹以為笛斬



泗濱之梓以為箏食若填巨壑飲若灌漏卮其樂固難量豈非大丈夫之樂哉

文選曹植與吳季重書

次五蒙柴求兕其德不美測曰蒙柴求兕得不慶也

太玄經第一童

次三裳格輦鉤渝測曰裳格輦鉤無以制也

太玄經第二格

五蓋覆心禪門已閉六塵在念亂想常馳類狂象之

無鉤似戲猿之得樹

法苑珠林卷八十四

### 失道

彼月而食則維其常此日而食于何不臧

詩小雅十月之交

誰能執熱逝不以濯其何能淑載胥及溺

叶奴學反○詩大雅

桑柔

發發飄風非有道之風偈偈疾驅非有道之車

毛詩匪風

林中大木之處而維有薪蒸朝廷宜有賢者而但聚

小人

毛詩正月註

違禮義不由其道猶雉鳴而求其牡矣

毛詩匏有苦葉註

賈物而有三倍之利者小人所宜知也君子反知之

非其宜也今婦人休其蠶桑織紝之職而與朝廷之

事其為非宜亦猶是也

鄭氏箋詩瞻印

愛好美色不往見子都之美好閑習者乃往見狂醜



之人喻忽之好善不任用賢者反任用小人所美非

美故刺之毛詩正義  
山有扶蘇

不覩子充而覩狡童以喻昭公之好善不愛賢人而

愛小人也毛詩正義  
山有扶蘇

人既刈白華已漚為菅柔韌中用今何為更取白茅

收束之今以白茅伐白華則脆而不堪用也以興王

既聘申女已立為后禮儀充備今何為更納褒姒嬖

寵之今以褒姒代申后則妬而將滅國也寵褒姒以

黜申后似取白茅而棄韌菅毛詩正義  
白華

交交然小者是桑扈之鳥也鳥自求生活當應肉食

今既無肉循場啄粟而食之失其天性以此求活將

必不能以興王者欲求治國當行善教今無善教施

布亂政以治之失其常法以此求治終不可得毛詩正義

小宛

言老馬反為駒而用之猶王於老人反為童而遇之

毛詩正義  
肉弓

聞以德和民不聞以亂以亂猶治絲而棼之也左傳  
隱公

四年

天反時為災地反物為妖民反德為亂亂則妖災生

故文反正為乏左傳宣公  
十五年



賈而欲贏而惡囂乎 左傳昭公元年

遷怒肆忿快意於行人譬諸豺狼求食而已 春秋正義襄公

年十一

今有場師舍其梧櫝養其楸棘則為賤場師焉 孟子告子上

上

拱把之桐梓人苟欲生之皆知所以養之者至於身而不知所以養之者豈愛身不若桐梓哉弗思甚也

孟子告子上

享而既具是棄禮若其不具是用粃粡周粃粡君辱

棄禮名惡 孔子家語相魯

出令則如反汗用賢則如轉石去佞則如拔山如此

望陰陽之調不亦難乎 前漢書楚元王傳

所宍不以仁義為冤所蹈不以賢佐為力終至顛蹶

絕滅漢祚 後漢書黃瓊列傳

夫華離蒂而萎條去幹而枯女冶容而淫士背道而

辜 後漢書蔡邕列傳

譬猶緣木求魚升山採珠 後漢書劉玄傳

畫真人於刻桶之室載退士於進趣之堂 晉書嵇紹傳

其於政也如農者之殖礲野早年之望豐穡必不幾

矣 晉書阮種傳



不悟清流在於澄源止輪由乎高閔患生於本治之

於未故也宋書袁湛傳

誣飾蚯蚓冀招神龍宋書王微傳

夫移心疾於股肱非良醫之美畏影迹而馳騫豈靜

處之方南齊書王儉傳

以此取士求之濟治譬猶却行以及前之燕而向楚

魏書羊深傳

沈於樂者洽於憂厚於味者薄於行慢於朝者緩於

政害於國家者危於社稷管子中匡

今君臨民若寇讐見善若避熱晏子春秋諫上

以事生事又以事止事譬猶揚火而使無焚也以智

生患又以智備之譬猶撓水而欲其清也文子道德

汙其準粉其額腐鼠在阼燒薰於堂文子上德

福輕乎羽莫之知載禍重乎地莫之知避莊子人間世

非人者必有以易之若非人而無以易之譬之猶以

火救水也其說將必無可焉墨子兼愛下

用事不巧則操末績顛圓鑿方柄情道兩失鬼谷子反應注

天下敖然若燒若焦墨子雖為之衣褐帶索嚙菽飲

水惡能足之乎既以伐其本竭其原而焦天下矣荀子

富國篇



墨子之於道也猶瞽之於白黑也猶聾之於清濁也猶之楚而北求之也

荀子樂篇

衡不正則重懸於仰而人以為輕輕懸於俛而人以為重此人所以惑於輕重也權不正則禍託於欲而人以為福福託於惡而人以為禍此亦人所以惑於禍福也道者古今之正權離道而內自擇則不知禍福之所託

荀子正名

古之人目短於自見故以鏡觀面智短於自知故以道正己故鏡無見疵之罪道無明過之怨目失鏡則無以正鬚眉身失道則無以知迷惑

韓非子觀行

衛人有佐弋者鳥至因先以其袵麾之鳥驚而不射也

韓非子外儲說左上

鄭縣人乙子妻之市買鼈以歸過潁水以為渴也因縱而飲之遂亡其鼈

韓非子外儲說左上

使燕王內憎其民而外愛魯人則燕不用而魯不附民見憎不能盡力而務功魯見說而不能離歿命而親他主如此則人臣為隙穴而人主獨立以隙穴之臣而事獨立之主此之謂危殆

韓非子雜論法術

棄玉取石者盲羊質虎皮者辱

黃石公素書安履

故欲以刑罰慈民碎其猶以鞭狎狗也雖久弗親矣



故欲以簡泄得士辟其猶以孤怵鳥也雖久弗得矣

賈子大政下

今夫儒者不本其所以欲而禁其所欲不原其所以

樂而閉其所樂是猶決江河之源而障之以手也夫

牧民者猶畜禽獸也不塞其圉垣使有野心系絆其

足以禁其動而欲修生壽終豈可得乎

淮南子精神訓

鑿五刑為刻削乃背道德之本而爭於錐刀之末斬

艾百姓殫盡太半而忻忻然常自以為治是猶抱薪

而救火鑿竇而出水

淮南子覽冥訓

愛熊而食之鹽愛獺而飲之酒雖欲養之非其道

淮南

子說林訓

不能耕而欲黍梁不能織而喜采裳無事而求其功

難矣

淮南子說林訓

游者以足蹶以手插不得其數愈蹶愈敗及其能游

者非手足者矣

淮南子說林訓

蒙塵而昧固其理也為其不出戶而堞之也

淮南子說林訓

不修其身求之於人是謂失倫不治其內而修其外

是謂大廢重載而危之操策而隨之非所以為全也

說苑談叢

鳴鼓逐狐不知跡處

焦氏易林乾之無妄



騎狫逐羊不見所望

焦氏易林 乾之蹇

鑿井求玉非卞氏寶名困身辱勞無所得

焦氏易林 蒙之臨

氓伯以婚抱布自媒棄禮急情卒罹悔憂

焦氏易林 蒙之困

空槽注猪狫彘不到張弓視雞雄鳩飛去

焦氏易林 師之旅

裸程逐狐為人所笑

焦氏易林 大有之咸

耕石不富衡門屢空

焦氏易林 咸之需

入水求玉失其所欲

焦氏易林 咸之否

入市求鹿不見頓足

焦氏易林 遯之同人

乘牛逐驥日暮不至

焦氏易林 損之蠱

左手把水如炎與鬼不可得徙

焦氏易林 垢之旅

冰入炭室消滅不息

焦氏易林 鼎之恒

穿匏浥水搆錢熒火勞疲力竭饑渴為禍

焦氏易林 艮之坤

獨立山顛求糜耕田草木不闢秋饑无年

焦氏易林 未濟之无

妄

次六將其車入于丘虛測曰將車入虛道不得也

太玄

經筭 一 磧

次三戾其腹正其背測曰戾腹正背中外爭也

太玄 經筭

一 戾

次三羨迂塗不能直如測曰羨迂塗不能直行也

太玄

經筭 一 羨



次四男女事不代之字測曰男女事非厥務也太玄經第二事

次二動于響景測曰動于響景不足觀聽也太玄經第二釋

次二嚇河耀測曰嚇河之耀何可憫也太玄經第二爭

次五交于鸞猩不獲其榮測曰交于鸞猩鳥獸同方

也太玄經第二交

次三化白于泥淄測曰化白于泥變不明也太玄經第三更

次三準繩不甫亡其規矩測曰準繩不甫其用爽也

太玄經第三法

初一竈無實乞于鄰測曰竈無實有虛名也太玄經第四竈

上九明珠彈于飛肉其得不復測曰明珠彈肉費不

當也太玄經第四唐

初一去此靈淵舍彼枯園測曰去此靈淵不以謙也

太玄經第五去

次三割鼻食口喪其息主測曰割鼻喪主損無榮也

太玄經第六割

次五大爵將飛拔其翮毛羽雖衆不得適測曰大雀

拔翮不足賴也太玄經第六將

今齊王失士而求諸侯是何異於失綱而求魚乎天祿

閣外史將才



鏡明見人之首而人不推鏡破之而挖以玄錫摩以白旃是說鏡之明已也士有明已者陳已之短欲令長之以去其病而不德之反欲殺之是惡士之明已

也呂氏春秋

言桂蠹食芬香居高顯不知畱止妄欲移徙則失甘

美之木亡其處也以言眾臣食君之祿不建忠信妄

行佞諂亦將失其位喪其所也王逸註楚辭七諫

神鳥至則眾鳥集從今反鴉往處之故驚而鳴也王逸

註楚辭九思

名山宜神鳥處之猶朝廷宜賢者居位而今惟小人

故云鴉萃之也王逸註楚辭九思

江離兮遺捐忠正之士棄山林也辛夷兮擠臧仁智

之士抑沉沒也王逸註楚辭九懷

昔倉梧丙娶妻美而以與其兄欲以為讓也則不如

無讓焉尾生與婦人期於水邊水暴至不去而死欲

以為信也則不如無信焉葉公之黨其父攘羊而子

證之欲以為直也則不如無直焉陳仲子不食母兄

之食出居於陵欲以為潔也則不如無潔焉宗魯受

齊豹之謀死孟繫之難欲以為義也則不如無義焉

徐幹中論貴言



君子既有賢才又卜其居復順積德乃享元吉猶夫  
良農既懷善藝又擇沃土復加耘耔乃有盈倉之報  
耳今見愚民不能得福於吉居便謂宅無善惡何異  
覩種田之無十千而謂田無壞瘠耶良田雖美而稼  
不獨茂卜宅雖吉而功不獨成相須之理誠然

嵇中散集

難宅無吉凶攝生論

且鮑肆自玩而賤蘭茝猶海鳥對太牢而長愁文侯

聞雅樂而塞耳 稽中散集答難養生論

此何異識時雨之生物因垂拱而望嘉穀乎 嵇中散集難宅

無吉凶攝生論

何異詣老空耕石田而望千倉之收用力雖盡不得

其所也所謂適楚而道燕雖良馬而不到非行之不

疾然失其道也 抱朴子內篇勸求

不知彼之求仙猶臨河羨魚而無網罟非河中之無

魚也 抱朴子內篇釋滯

探燕巢而求鳳卵搜井底而捕鱖魚雖加至勤非其

所有也 抱朴子內篇釋滯

謗讟不可以巧言弭實恨不可以虛事釋釋之非其

道弭之不由理猶懷冰之遣冷重鑪以却暑逐炎以

逃影穿舟以止漏矣 抱朴子外篇博喻



曠棘矢而望高手乎渠廣策疲駑而求繼軌於周穆  
放斧斤而欲雙巧於班墨忽良才而欲彞倫之攸敘  
不亦難乎抱朴子外  
篇名實

夫冥山在乎北極而南行以觀之至仁在乎無親而  
仁愛以言之故郢雖見而愈遠冥山仁孝雖彰而愈

非至理也郭子注  
莊天運

莫知反一以息迹而逐迹以求一愈得迹愈失一斯

大謬矣郭子注  
莊繕信

運屈而恚天辱至而怨人是以火焚而怨燧人溺井  
而尤伯益劉子  
言苑

亦何異救饑而與之珠拯溺而投之玉乎劉子  
隨時

天由其時人由其道非時之夏望之不可見非道之

正行之不可至揚子法言  
註寡見

采庶子之春華忘家丞之秋實李善註文選陸韓  
卿答內兄希叔詩

采薜荔兮水中攀芙蓉兮木末文選屈原  
湘君歌

或益之以畎澮而泄之以尾閭欲坐望顯報者文選  
嵇康

養生  
論

夫土之有川猶人之有口也治土而防其川猶止兒  
啼而塞其口豈不遽止然其死可立而待也補文選  
賈讓治

河奏



駕蹇驢而無策今又何路之能極以直鍼而為鈞今

又何魚之能得廣文選東方曼倩哀命

舟登陸其焉濟輪涉淵而無迹廣文選陸士龍紆思

譬享海鳥以醇醪嘉膳栖林狝以崇楹曾拱苟非其

實立有驚怖藝文類聚人部言志書

火在井中不能燭遠目在足下不可以視近太平御覽天部

二上

為千金之裘而與狐謀之其皮不可得太平御覽服章部裘

易傳曰當雷不雷陽德弱也初學記天部雷

魯哀公問仲尼曰春秋之記曰冬十二月實霜不殺

菽何為記此仲尼對曰此言可以殺而不殺也夫宜

殺而不殺桃李冬實天失道草木猶犯干之而況於

人君乎困學記聞卷六春秋

陛下何愛其羽毛而疎其骨肉何氏語林箴規

暮世之治病也則不然治不本四時不知日月不審

逆從病形已成乃欲微鍼治其外湯掖治其內粗工

兇兇以為可攻故病未已新病復起黃帝素問內經移精變氣論

棄正從蹊徑欲疾闕不通盲者不柱杖聾者聽宮商

參同契

亦猶和膠補金以礪塗瘡去冷加冰除熱用湯飛龜



唯林  
舞蛇終不可得契

今遇是道法寶城不應取此虛偽之物譬如商主遇

真寶城取諸瓦礫而便還家元陽妙經卷十

如彼愚人掩入空山覓天子綬靈寶通微經

夫生人之所為大患莫急於疾疾而不治猶救火而

不以水也華陽陶隱居集

譬如有人執杖和怨負水求火勤苦積紀終不能得

玉清經道化四夷品

失吾生道如鳥失翼亦猶濟人忘其船筏遙想彼岸

無由得度玉清經法印品

譬如草木遠離地水定不虛生玉清經法印品

譬如王子捨其父王更就餘人求為太子決不可得

波羅蜜多經卷五百六十九

譬如犢子若欲須乳必依其母若就餘牛則不可得

波羅蜜多經卷五百六十九

梵志欲遊人間語小兒曰我有少緣欲暫出行汝善

守護此火慎勿使滅若火滅者當以鑽鑽木取火然

之具械勅已出林遊行梵志去後小兒貪戲不數視

火火遂便滅小兒戲還見火已滅吹灰求火不能得

已便以斧劈薪求火復不能得又復斬薪置於日中



搗以求火又不能得爾時梵志於人間還詣彼林所  
 問小兒曰吾先勅汝使守護火火不滅耶小兒對曰  
 我向出戲不時護視火今以滅復問小兒汝以何方  
 便更求火耶小兒報曰火出於木我以斧破木求火  
 不得復斬之令碎置於臼中杵搗求火復不能得時  
 彼梵志以鑽鑽木出火積薪而然告小兒曰夫欲求  
 火法應如此不應破薪杵碎而求長阿舍經卷七  
 猶人求火以濕木為母以濕鑽鑽彼人如是為得火  
 不答曰不也所以者何彼以濕鑽鑽於濕木是故不  
 得中阿舍經卷二十

猶如有人欲得酥者以器盛水以拌拌之必不得酥

所以者何以邪求酥謂拌水也中阿舍經卷四十五

猶如有人欲得油者以榨具盛沙以冷水漬而取壓

之必不得油所以者何以邪求油謂壓沙也中阿舍經卷四

十五

譬如明目士夫求堅固材執持利斧入於山林見大

芭蕉樹牖直長大即伐其根斬截其鋒葉葉次剝都

無堅實雜阿舍經卷十

譬如小火欲令其然增以樵炭非為增炭令火滅耶

雜阿舍經卷二十七

喻林人事

卷五十一

失道

七



譬如熾火欲令其滅足其乾薪豈不令火增熾然耶  
雜阿含經 卷二十七

猶若有人身中毒箭彼親屬慈愍人欲令安飲欲饒  
益之求索除毒箭師於是彼人作是念我不際箭要  
知彼人已姓是字是像是若長若短若中若黑若白  
若刹利族若婆羅門族若居士族若工師族若東方  
南方西方北方誰以箭中我我不除毒箭要當知彼  
弓為是薩羅木為是多羅木為翅羅鴛掘梨木我不  
除毒箭要當知彼筋若牛筋若羊筋若犛牛筋而用  
纏彼弓我不除毒箭要知彼弓弣為白骨耶為黑棘

耶為赤棘耶 箭喻經 緣三

四 如賣鍼人至鍼師門欲求賣鍼終不可售 別釋雜阿含經卷十

九 上悲 譬如有人以炭畫日言相似者無有是處 大乘造像功德經卷

昔有國王有一好樹高廣極大常有好果香而甜美  
時有一人來至王所王語之言此之樹上將生美果  
汝果能食不人答王言此樹高廣雖欲食之何由能  
得即便斷樹望得其果既無所獲徒自勞苦後還欲  
豎樹已枯死都無生理世間之人亦復如是如來法



王有持戒樹能生勝果心生願樂欲得果食應當持戒修諸功德不解方便反毀其禁如彼伐樹復欲還活都不可得

百喻經 卷上

昔有癡人往大池所見水底影有真金像謂呼有金即入水中撓泥求覓疲極不得還出復坐須臾水清復現金色復更入裏撓泥更求覓亦復不得其父覓子得來見子而問子言汝何所作疲困如是子白父言水底有真金我時投水欲撓泥取疲極不得父看水底真金之影而如此金在於樹上所以知之影現水底其父言曰必飛鳥銜金著於樹上即隨父語上

樹求得 百喻經 卷下

昔邊國人不識於驢聞他說言驢乳甚美都無識者爾時諸人得一駃驢欲將其乳誣共捉之其中有捉頭者有捉耳者有捉尾者有捉脚者復有捉器者各欲先得於前飲之中捉驢根謂呼是乳即便將之望得其乳眾人疲厭都無所得徒自勞苦空無所獲為一切世人之所嗤笑

百喻經 下

二行增癡無益故如人風病服麩藥

三昧法門 經卷下

如截耳欲著交露璫

四阿含暮 妙解藉五

所求不以道不識事緣如犖角求乳無明覆故

太智 度論



卷二  
十三

如人能食一斛飯從有一斗者索欲以除饑是不能

除大智度論卷四十一

如人欲得堅實好木捨其根莖而取枝葉雖是木名

而不中用大智度論卷六十八

如人手垢還以垢洗云何得淨大智度論卷九十五

譬如癡犬有人打擲便逐瓦石不知尋本大莊嚴經論卷二偈

南路求燕北轅首楚以斯適道千里而遙弘明集十

夫飾櫃貿珍曜夜不售所謂馳走滅迹跳動息影焉

可免乎弘明集折夷夏論

昔有一人欲得王意問餘人言云何得之有人語言

若欲得意王形相汝當效之此人見王眼瞞便効王

瞞王問之言汝為病耶為著風耶何以眼瞞其人答

王我不病眼亦不著風欲得王意見王眼瞞故效王

也王聞是語即大瞋恚使人加害擯令出國法苑珠林卷五

十三

昔有愚人煮黑石蜜有一富人來至其家時此愚人

取石蜜漿為富人煮即於火上以扇扇之望得使冷

傷人語言下不止火扇扇不已云何得冷爾時人眾

悉皆嗤笑法苑珠林卷五十五



聽神

天道遠人道邇待著龜而襲吉福之末也顛蹶望拜而謁焉其待則薄矣子華子北宮意問

然則有鬼乎曰有沈有履竈有髻戶內之煩壤雷霆

處之東北方之下者陪阿鮭龍躍之西北方之下者

則洪陽處之水有罔象丘有萃山有夔野有彷徨澤

有委蛇莊子達生

日月食而救之天旱而雩卜筮而後決大事非以為

得求也以文之也故君子以為文而百姓以為神以

為文則吉以為神則凶荀子天論篇

人處疾則賢醫有禍則畏鬼聖人在上則民少欲民

少欲則血氣治而舉動理舉動理則少禍害夫內無

瘞疽痺痔之害而外無刑罰法誅之禍者其輕恬鬼

也甚故曰以道蒞天下其鬼不神治世之民不與鬼

神相害也故曰非其鬼不神也其神不傷人也韓非子解

老

初時者魏數年東鄉攻盡陶衛數年西鄉以失其國

此非豐隆五行太一王相攝提六神五括天河殷搶

歲星非數年在西也又非天缺弧逆刑星熒惑奎台

非數年在東也故曰龜策鬼神不足舉勝左右背鄉



不足以專戰然而恃之愚莫大焉

韓非子飾邪

世俗言曰饗大高者而彘為上牲葬死人者裘不可  
以藏相戲以刃者太祖射其肘枕戶櫛而臥者鬼神  
蹠其首此皆不著於法令而聖人之所不口傳也夫  
饗大高而彘為上牲者非彘能賢於野獸麋鹿也而  
神明獨饗之何也以為彘者家人所常畜而易得之  
物也故因其便以尊之裘不可以藏者非能其綈綿  
曼帛溫煖於身也世以為裘者雖得貴賈之物也而  
不可傳於後世無益於死者而足以養生故因其資  
以齷之相戲以刃太祖射其肘者夫以刃相戲必為

過失過失相傷其患必大無涉血之讐爭忿鬪而以  
小事自內於刑戮愚者所不知忌也故因太祖以累  
其心枕戶櫛而臥鬼神履其首者使鬼神能玄化則  
不待戶牖之行若循虛而出入則亦無能履也夫戶  
牖者風氣之所從往來而風氣者陰陽粗穽者也離  
者必病故託鬼神以伸誡之也

淮南子汜論訓

信鬼神者失謀信日者失時何以知其然夫賢聖周  
知能不時日而事利敬法令貴功勞不卜筮而身吉

謹仁義順道理不禱祠而福

說苑反質

齊大旱之時景公召羣臣問曰天不雨久矣民且有



饑色吾使人卜之崇在高山廣水寡人欲少賦斂以  
 祠靈山可乎羣臣莫對晏子進曰不可祠此無益也  
 夫靈山固以石為身以草木為髮天久不雨髮將焦  
 身將熱彼獨不欲雨乎祠之無益景公曰吾欲祠河  
 伯可乎晏子曰不可祠此無益也夫河伯以水為國  
 以魚鼈為民天久不雨水泉將下百川竭國將亾民  
 將滅矣彼獨不用雨乎祠之何益景公曰今為之奈  
 何晏子曰君誠避宮殿暴露與靈山河伯共憂其幸  
 而雨乎劉向說苑辨物

戴璧秉珪請命于河

焦氏易林 同人之晉

行如桀紂雖禱不祐

焦氏易林 復之垢

猪肩羊膊可以得兆藿葦藁茅可以得數何必以著

龜

王充論衡 卜筮篇

非犧牲之不博碩非玉帛之不豐釀信之非不款敬  
 之非不重有丘山之損無毫釐之益

抱朴子內篇道意

信鬼神何異以踵解結終無益也

意林 纏子

鬼神明於聖人猶聰明耳目之與聾盲也

藝文類聚 雜氣物部

鼎

插桃枝於戶連灰其下童子入不畏而鬼畏之是鬼

智不如童子也

困學紀聞 卷十諸子



喻林卷五十一  
夫自稱山嶽神者必是蟒蛇自稱江海神者必是龜  
鼉魚鼈自稱天地父母神者必是貓狸野獸自稱將  
軍神者必是熊羆虎豹自稱仕人神者必是猿猴狢  
獲自稱宅舍神者必是犬羊猪犢門戶井竈破器之  
屬弘明集十四

喻林卷五十一 終

喻林卷五十一

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 四十九

失所

汎芳歛反

彼栢舟亦汎其流

詩國風栢舟

綠兮衣兮綠衣黃裏

詩國風綠衣

絺兮綌兮淒

音妻

其以風

詩國風絺綌反○

終風且暴顧我則笑

詩國風終風○詩

喻林人事

卷五十一

失所

梅逢暘書



雄雉于飛泄泄與異同其羽我之懷矣自詒伊阻雄雉

于飛下上時掌反其音展矣君子實勞我心詩國風雄雉

有瀾與米同濟盈有鷺雉鳴濟盈不濡軌與晷同叶雉居有反雉

鳴求其牡詩國風匏有苦葉

魚網之設鴻則離之燕婉之求得此戚施詩國風新臺

燕婉之求蘧音渠籛音除不鮮○燕婉之求蘧籛不殄詩國

風新臺

其雨其雨杲杲古老反出日詩國風伯兮

有杕音第之杜其葉湑湑上聲獨行踽踽豈無他人不如

我同父○有杕之杜其葉菁菁音精獨行裊裊音瓊豈無

他人不如我同姓叶桑經反○詩國風杕杜

葛生蒙楚蘓音廉蔓于野叶上與反予美亾此誰與獨處葛

生蒙棘蘓蔓于域予美亾此誰與獨息詩國風葛生

有鶯音秋在梁有鶴在林詩小雅白華

樵彼桑薪音昂印音烘于熤音忱○詩小雅白華

如賈音古三倍君子是識婦無公事休其蠶織詩大雅瞻印

黃鳥民適異國見拒於人而思歸故鄉乃作是詩詩說

王

鵠羽民從征役而不得養其父母故作此詩詩說魏

比門刺仕不得志也言衛之忠臣不得其志爾毛詩北門



杖杜猶得其時蕃滋役夫勞苦不得盡其天性毛詩杖杜

註

魚藻刺幽王也言萬物失其性毛詩魚藻

采綠刺怨曠也毛詩采綠

遵彼汝墳伐其條枚箋云伐薪於汝水之側非婦人

之事言已之君子賢者而處勤勞之職亦非其事鄭氏

箋詩汝墳

舟載渡物者令不用而與眾物汎汎然俱流水中仁

人之不見用而與羣小人竝列亦猶是也鄭氏箋詩柏舟

締綌所以當暑今以待寒風其失所也鄭氏箋詩綠衣

人居平安之世猶雛之生於陸自然也遇衰亂凶年

猶雛之生谷中得水則病將死鄭氏箋詩中谷

鴻大鳥也不宜與鳧鷖之屬飛而循渚以喻周公今

與凡人處東都之邑失其所也鄭氏箋詩九罭

太子放逐而不得生子猶內傷病之木內有疾故無

枝也鄭氏箋詩小弁

人之樵取彼桑薪宜以炊饔饩之爨以養食人我反

以燎於雉竈用炤事物而已鄭氏箋詩白華

有狐綏綏然匹行在彼淇水之梁而得其所以興今

衛之男女皆喪妃耦不得匹行乃狐之不如毛詩正義有狐



王政之偏或用之為官令其醉酒者或不見任用不  
得其漿者

毛詩正義大東

山之有蕨薇之菜隰之有杞棗之木是菜生於山木  
生於隰所生皆得其所以與人生處於安樂以得其  
所今我天下之民遇此殘亂驚擾失性草木之不如

也

毛詩正義四月

有人登彼北山之上者云我采其杞菜之葉也此杞  
葉非可食之物而登山以采之非宜矣以興大夫循  
彼長遠之路者云我從其勞苦之役也此勞役非賢  
者之職而循路以從之非其事矣

毛詩正義北山

菅茅之蒙養英英然者是鮮潤之白雲下露潤彼菅  
之與茅使之得長成是天地之氣無微不著無不覆  
養然天不遺物尚養彼菅茅天何為獨行艱難於我  
申后幽王不可於我而見黜退不得覆養是菅茅之  
不如也

毛詩正義白華

桑薪薪之善者宜以炊爨而養人今不以炊爨反燎  
于熨竈失其所也

毛詩正義白華

龍欲上天五蛇為輔龍已升雲四蛇各入其宇一蛇  
獨怨終不見處所

史記晉世家

此猶養魚沸鼎之中棲鳥烈火之上水木本魚鳥之



所生也用之不時必至焦爛後漢書劉陶謝傳

棄彼弊冠崇茲新履晉書王公烈傳

夫龍或俯鱗潛于重泉或仰攀雲漢游乎蒼昊而今

蟠於坎井同於蛙蝦者豈獨管庫之士或有隱伏廝

役之賢沒於行伍故龍見光景有所感悟晉書孫楚傳

有龍矯矯頃失其所五蛇從之周徧天下龍饑無食

一蛇割股龍反其淵安其壤土四蛇入穴皆有處所

一蛇無穴號於中野說苑復恩

有龍矯矯頃失其所一蛇從之周流天下龍反其淵

安寧其處一蛇者乾獨不得其所說苑復恩

龍馬上山絕無水泉喉焦唇乾舌不能言焦氏易林乾之訟

桃鵲竊脂來於小枝搖動不安為風所吹寒心悚慄

常憂殆危焦氏易林謙之遯

馬驚傷車步為我憂焦氏易林豫之井

黃裏綠衣君服不宜焦氏易林觀之革

鼻項移徙居不安坐焦氏易林頤之兌

雌單獨居歸其本巢毛羽憔悴志如灰焦氏易林咸之咸

魚陸失所島鼃困苦澤無藿蒲晉國以虛焦氏易林蹇之解

龜厭江海陸行不止自令枯槁失其都市焦氏易林益之震

次八琢齒依齧牛斤切三歲無君測曰琢齒依齧君自



跋也 太玄經 第三密

夫鳥當集木巔而言草中曾當在水中而言木上以

喻所願不得失其所也 王逸註楚 辭九歌

言持玄墨之文居於幽冥之處則朦朧以為不明也

言持賢知之士居於山谷則眾愚以為不賢也 王逸註楚

辭九章

言黃鵠能飛翔神龍能存能亡奄然失所為鴟梟螻

蟻所制其困如此何況賢者身無爵祿為俗人所困

侮固其宜也 王逸註楚 辭惜誓

山谷之中幽深險阻非君子之所處也猿狖虎豹非

賢者之偶也 王逸註楚 辭招隱士

言騏驥壹馳千里乃騁之中庭促狹之處不得展足

以極遠道以言使賢者執灑掃之役亦不得展志意

也 王逸註楚 辭哀時命

言猿狖當居高木茂林見其才力而置之櫺檻之中

迫局之處責其捷乃非其理也以言君子當在廟堂

為政而棄之山林責其智能亦非其宜也 王逸註楚 辭哀時命

言冤雛之生早失其母孤居吟於高牆墉之上

將復遇害言已亦失其所居在於林澤居非其處恐

顛仆也 王逸註楚 辭九嘆



言水得風則龍叩繚戾與險阻相薄不得順其流性  
以言忠臣逢讒人亦匡攘惶遽而竄伏也王逸註楚辭九嘆

言水逢風紛亂揚波滂沛失其本性以言屈原志行  
清白遭逢貪佞被過放逐亦失其本志也王逸註楚辭九嘆

言積漬眾芳於汙泥臭井之中棄文犀之角置於筐  
簞而不帶佩蔽其美質失其性也以言棄賢智之士

於山林之中亦失其志也王逸註楚辭九嘆

當顯而反隱如無水而沈也莊子音義則陽

求馬於市肆廣庭非其所也莊子音義田子方

麋何為今庭中蛟何為今水裔文選屈原湘夫人歌

烏何萃兮蘋中曾何為兮木上文選屈原湘夫人歌

今將植橘柚於玄朔蒂華藕於修陵表龍章於裸壤

奏韶武於聾俗固難以取貴矣文選呂安興嵇茂齊書

譬若飛鴻鸞於中庭騁騏驥於閭巷也藝文類聚人部聖碑

鵠竄兮荆棘鶉集兮帷幄爾雅翼鶉

何為謬傷海鳥橫斤山木何氏語林言語

朱雀翱翔戲兮飛揚色五彩遭遇網羅施兮壓之不

得舉謔謔聲甚悲兮嬰兒之慕母顛倒就湯鑊兮摧

折傷毛羽參同契

猶如初生赤子失大慈母絕於壯齒海空智藏經普記品



譬如有人高厚陸地種瞻波樹水常行處復作堤塘地既高燥又不得水漸漸枯黃不能增長大方等大集經十一

譬如有一人於盛夏時炎暑之月物景熾然酷熱可畏其人自遠而來加復

疲困饑渴所逼但隨道徑詣枯樹下欲求憇止非清涼地轉受其苦身毛喜豎經上

羅什如好綿何可使入棘林中高僧傳二佛陀耶舍如車行道捨平大塗從邪徑敗生折軸憂法句經世俗品

昔有賊人入富家舍偷得錦繡即持用裹故弊麩毳種種財物為智人所笑百喻經卷上

悖理

日居月諸胡迭音而微詩國風柏舟

人皆謂雀之穿屋似有角彊暴之男召我而獄似有室家之道於我也物有似而不同雀之穿屋不以角

乃以味今彊暴之男召我而獄不以室家之道於我乃以侵陵物與事有似而非者士師所當審也鄭氏箋詩

行露

伐木尚倚其木之巔矣不欲妄踏之析薪尚施其薪

之理矣不欲妄折之彼人尚不欲妄損折薪木今王

非理而害太子其意乃不如彼伐木析薪之人毛詩正義



若剝腹去疾炊灰止沸

春秋正義  
莊公六年

以若所為求若所欲猶緣木而求魚也

孟子梁  
惠王上

今惡辱而居不仁是猶惡濕而居下也

孟子公  
孫丑上

人役而恥為役由弓人而恥為弓矢人而恥為矢也

孟子公  
孫丑上

公曰下軍上軍之貳也寡人在上申生在下不亦可

乎士蔿對曰下不可以貳上公曰何故對曰貳若體

焉上下左右以相心目用而不倦身之利也上貳代

舉下貳代履周旋變動以役心目故能治事以制百

物若下攝上與上攝下周旋不變以違心目其反為

物用也何事能治

國語  
晉

魏王欲攻邯鄲季梁聞之中道而反衣焦不申頭塵

不去往見王曰今者臣來見人於大行方北面而持

其駕告臣曰我欲之楚臣曰君之楚將奚為北面曰

吾馬良臣曰馬雖良此非楚之路也曰吾用多臣曰

用雖多此非楚路也曰吾御者善此數者愈善而離

楚愈遠耳今王動欲成霸王舉欲信於天下恃王國

之大兵之精銳而攻邯鄲以廣地尊名王之動愈數

而離王愈遠耳猶至楚而北行也

戰國策魏  
安釐王



吾日暮塗遠吾故倒行而逆施之

史記伍子胥傳

傳曰以賢難得故曰事不待賢以食難得故曰飽不

俟食惑之甚者

前漢記孝元上

愛子若此猶饑而食之以毒適所以害之也

後漢書何敞列

傳

是由曲表而欲直景卻行而求及前人也

後漢書楊震傳

是使跛牂欲闕高岸天險可得而登也

後漢書范融列傳

夫兄弟者左右手也譬人將闢而斷其右手而曰我

必勝若是者可乎夫棄兄弟而不親天下其誰親之

魏志王脩傳

反裘負薪裹盡毛殫別趾適屨刻肌傷骨

魏志明帝紀註

猶開門而揖盜未可以為仁也

吳志孫權傳

志欲就於升平行先迎於禍亂是猶將適越者指沙

漠以遵途欲登山者涉舟航而覓路所趨逾遠所尚

轉難南北倍殊高下相反求其至也不亦難乎

晉書武帝

記

北行求郢西征索越方長迷於幽都永謬滯於昧谷

遼遼閩楚其可見乎

宋書夷蠻天竺傳

不明於則而欲出號令猶立朝夕於運均之上擔竿

而欲定其末不明於象而欲論材審用猶絕長以為



短續短以為長不明於法而欲治民一眾猶左書而

右息之不明於化而欲變俗易教猶朝採輪而夕欲

成車不明於決塞而欲毆眾移民猶使水逆流不明

於心術而欲行令於人猶倍招而必拘之不明於計

數而欲舉大事猶無舟楫而欲經於水險也管子七法

未見不得其詆而能除其疾也詐即診○鵲冠子天則

未成乎心而有是非是今日適越而昔至也莊子齊物論

是猶師天而無地師陰而無陽其不可行明矣莊子秋水

今有人於此少見黑曰黑多見黑曰白則以此人不

知黑白之辯矣少嘗苦曰苦多嘗苦曰甘則必以此

人為不知甘苦之辯矣今小為非則知而非之大為

非攻國則不知而非從而譽之謂之義此可謂知義

與不義之辯乎墨子非攻上

以此求眾譬猶使人負劍而求其壽也眾之說無可

得焉墨子節葬下

以此求富此譬猶禁耕而求獲也富之說無可得焉

墨子節葬下世俗之君子皆知小物而不知大物今有人於此竊

一犬一彘則謂之不仁竊一國一都則以為義譬猶

小視白謂之白大視白則謂之黑墨子魯問



公孟子曰無鬼神又曰君子必學祭祀子墨子曰執無鬼而學祭禮是猶無客而學客禮也是猶無魚而為魚罟也

墨子公孟

公孟子曰貧富壽夭齟然在天不可損益又曰君子

必學子墨子曰教人學而執有命是猶命人葆而去

其冠也

墨子公孟

以黃馬為非馬而以白馬為有馬此飛者入池而棺

槨異處此天下之悖言亂辭也

公孫龍子白馬論

危削滅亡之情舉積此矣而求安樂是狂生者也狂

生者不胥時而落

荀子君道

志不免乎姦心行不免乎姦道而求有君子聖人之

名辟之是猶伏而咭天救經而引其足也說必不行

矣俞務而俞遠

荀子仲尼

人知貴生樂安而棄禮義辟之是猶欲壽而殉頸愚

莫大焉

荀子疆國篇

以人之情為欲此五綦者而不欲多譬之是猶以人

之情為欲富貴而不欲貨也好美而惡西施也

荀子王論

篇

今夫與人相善也無豐年旁入之利而獨以完給者

非力則儉也與人相善也無饑饉疾疢禍罪之殃獨



以貧窮者非侈則墮也侈而墮者貧而力而儉者富  
今上徵歛於富人以布施於貧家是奪力儉而與侈  
墮也而欲索民之疾作而節用不可得也韓非子 顯學

夫為人子而常譽他人之親曰某子之親夜寢早起  
強力生財以養子孫臣妾是謗誹其親者也為人臣  
常譽先王之德厚而願之是誹謗其君者也非其親  
者知謂之不孝而非其君者天下賢之此所以亂也

韓非子 忠孝

衣不舉領者倒走不視地者顛黃石公素 書安履

今有人於此無禮慢易而求敬阿黨不公而求令煩

號數變而求靜暴戾貪得而求定雖黃帝猶若困呂氏

春秋 審應

春行夏令泄行秋令水行冬令肅夏行春令風行秋  
令蕪行冬令格秋行夏令華行春令榮行冬令耗冬  
行春令泄行夏令旱行秋令霧淮南子 時則訓

為儒而踞里閭為墨而朝吹竽欲滅跡而走雪中拯  
溺者而欲無濡是非所行而行所非淮南子 說山訓

以非義為義以非禮為禮譬猶保走而追狂人盜財  
而與乞者竊簡而寫法律蹲踞而誦詩書淮南子 說山訓

范氏之敗有竊其鐘負而走者鎗然有聲懼人聞之



遽掩其耳憎人聞之可也自掩其耳悖矣淮南子

有以飢飢者而禁天下之食有以車為敗者而禁天

下之乘則悖矣淮南子

夫所以養而害所養譬猶削足而適履殺頭而便冠

淮南子

譬猶食穀衣絲而非耕織者也載於船車服而安之

而非工匠者也食於釜甑須以生活而非陶冶者也

此言違於情而行矇於心者也說苑

非其人而欲有功譬其若夏至之日而欲夜之長也

射魚指天而欲發之當也雖舜禹猶亦困而又况乎

俗主哉說苑

桑鵲竊脂啄粟不宜焦氏易林

鼻移在頭枯葦復生下朽上榮家乃不寧焦氏易林

一衣三冠冠无所加焦氏易林

雄雞不晨雌雞具呻焦氏易林

次五東南射兕西北其矢測曰東南射兕不得其首

也太玄經

次五童牛角馬不今不古測曰童牛角馬變天常也

太玄經

次八反其几雙其杙几家不旨測曰反几雙杙家用

俞木人事一悖理



唯木

太玄經  
第三居

不臧也

太玄經  
第六止

次四止于童木求其疏穀測曰止于童木求其窮也

太玄經  
第六失

次八雌鳴于辰牝角魚木測曰雌鳴于辰厥正反也

言寧有萍草生於水中無根乃漫衍于九交之道

王逸

禮喪不飲酒食肉而日醉於酒欲整喪紀猶無目欲

視青黃無耳欲聽宮商也

呂氏春秋  
貴公解

何異懸瓦礫而貴夜光絃不調而索清音哉

抱朴子  
外篇審

舉

若子言不恃他物則宜擣肉治骨以為金瘡之藥煎

皮熬髮以治禿鬢之疾耶

抱朴子內  
篇對俗

何異負豕而欲無臭馮河而欲不濡無轡策而御奔

馬棄柁櫓而乘輕舟未見其可也

抱朴子外  
篇詰鮑

失亾其子而不能遠索遺其氣類而亦未始自非人

之自是有斯謬矣

郭子莊註  
徐無鬼

此聽虛而責響視空而索影悖情倒理誣罔之甚也

劉子  
傷讒

賤子貴飭自以為是

莊子音義  
徐無鬼

命木人事

卷五十一

一悖理

七



子不嫌僕德之不邵而疑其位之不到是猶反鏡而索照登木而下釣補文選夏侯湛抵疑

觀吾子之趨欲衍傾城之金求百錢之售制造天之

體儼膚寸之檢廣文選阮嗣宗荅伏羲書

未嘗夢乘車入鼠穴擣虀取鐵杵無想無因故也說世

新語言語

食穀而鄙田衣帛而笑蠶是惑也太平御覽百穀部穀

猶如畏大地疾走欲藏身縱日馳千里非地不容身

大乘妙林經偈

何於空谷響而求生相於焦穀中而求牙相大乘妙林經

譬如有人欲於無色無見無對無所依止空中種樹

彼極為難波羅蜜多經三百六十三

如說言螢火小蟲負須彌山飛空而去為可信不大寶

積經卷二

譬如有人於夜闇中掉弄手臂搖動面目言我弄世

間彼為弄誰是人自弄何以故於中無人為可弄故

大寶積經卷三

何故明目人而羨盲瞽導豈有岸上人反樂沉溺者

何有解脫人而復樂牢獄大寶積經六十一

譬如有人漂沒大水渴乏而死大寶積經卷一百一十三



如世人言我能捉電電雖可見而不能捉大方等九

譬如有人自挑其目盲無所見而欲導他登上太山

終無是處大集地藏十輪經卷四

如言石女子威儀而進退兔角有鈎利沙中能出油

大乘蜜嚴經卷下

不見以兔角觸壞於大山曾無石女兒執箭射於物

未聞欲鬪戰而求兔角弓誰復須宮室令石女兒造

大乘蜜嚴經卷下

譬如善屠牛師手執利刀解剥其牛乘間而剥不傷

內肉不傷外皮解其肢節筋骨然後還以皮覆其上

若有人言此牛皮肉全而不離為等說不荅言不也

雜阿含經卷十一

那先言如人沽美酒著大器中急塞一人口倒置酒

中令嘗酒其人寧知酒味不王言未入口到舌上故

不知味那先比丘經卷中

如鐵出金誰當信者大智度論卷二

譬如人問搆牛角得幾斗乳是為非問大智度論卷二

譬如百由旬大火聚有人負乾草入火中過不燒一

葉是為甚難大智度論卷七

譬如無足欲行無翅欲飛無船欲度是不可得大智度論



譬如人種樹不依於地而欲得其根莖枝葉成其果

實是難可得大智度論卷二十八

又如毛孔之空欲比十方空無有是理大智度論七十九

譬如清冷雲中而霹靂起火非所應也遺教經論離十二

譬如有人懼諸霜雹疾風暴雨水火等災損害虛空

勤加守護廣百論卷三

猶如春農夫不下於種子至秋無果實而可得收穫

大莊嚴經論卷二偈

且生而可養則及日可與千松比霜朝菌可與萬椿

齊雪耶弘明集折夷夏論

斯何異斬刈根本而修枝幹而言不殞碩茂未之聞

見弘明集孫綽喻道論

猶無柯而求伐不食而獨飽焉可得乎弘明集釋駁論

猶訪道於瘖聾魔方而莫窮遠邇問津於兔馬知濟

而不測淺深辯正論卷六

若夫廢宗廟之粢盛加子孫之魚肉毀蒸嘗之黻冕

充樸妾之衣服苟求惠下之恩不崇安上之福恨養

親之費饁思廢養之潤屋如此可謂忠孝之道乎法苑珠林卷五十五

珠林卷五十五



越理

居履之時以陽處陽猶曰不謙而况以陰居陽以柔乘剛者乎故以此為明眇目者也以此為行跛足者也以此履危見啞者也王弼註也以此履危見啞者也易履先染絲後製衣皆女之所治為也而女反亂之鄭氏箋詩綠衣

墀邊有陂茅蒐生焉茅蒐之為難淺矣易越而出鄭氏

箋詩東門之墀

鵲旦是求旦之鳥夜中而鳴以求早旦不可得也言人視彼求旦之鳥欲反夜作晝是鳥無識也求不可

得之物人猶尚惡之况人上僭於君求不可得之物

以下亂上人惡之可知也禮記正義

畜老猶憚殺之而况君乎左傳宣公四年

殺老牛莫之敢尸而况君乎左傳成公十八年

紵兄之臂而奪之食則得食不紵則不得食則將紵之乎踰東家牆而樓其處子則得妻不樓則不得妻

則將樓之乎孟子告子下

君有短垣而自喻之况蠻荆則何有於周室國語

郢人有鬻其母為請於買者曰此母老矣幸善食之

而勿苦此行大不美而欲為小義者淮南子說山訓



狼虎爭強禮義不行焦氏易林 恒之困

耕石不生棄禮无名焦氏易林 歸妹之賁

私已

不能大通則各私其黨而求利焉楚人亾弓不能亾

楚愛國愈甚益為它災王弼註 易同人

餅小而盡罍大而盈言為罍恥者刺王不使富分貧

眾恤寡鄭氏箋 詩蓼莪

貪於政者不能分人以事厚於貨者不能分人以祿

墨子尚 賢中

垂其股肱之力而不相勞來也腐臭餘財而不相分

資也隱匿良道而不相教訓也墨子尚 賢下

盜愛其室不愛其異室故竊異室以利其室賊愛其

身不愛人故賊人以利其身此何也皆起不相愛雖

至大夫之相亂家諸侯之相攻國者亦然墨子兼 愛上

次四動之丘陵失澤朋測曰動之丘陵失下危也太 玄

經第 二十

次七唵于體黃肉毀測曰唵于體骨肉傷也太玄經 第五 唵

譬如多人共一妙寶有人獨用豈得自在本緣經月 光王品

譬如買客遠到他方雖持雜物多所饒益然非憐愍

眾生以自求利故百論卷 上守八



喻林卷五十二

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 五十

用術

鉤距者設欲知馬賈則先問狗已問羊又問牛然後及馬參伍其賈以類相準則知馬之貴賤不失實矣  
唯廣漢至精能行之它人效者莫能及也  
前漢書趙廣漢傳

家挾殊議人懷異計故從橫者歛披其曾狙詐者暫



吐其舌也 蜀志郤正傳

朝四暮三衆狙皆喜名實未虧而喜怒為用 南史梁本紀中

故關之捍闔制之以出入捍之者開也言也陽也闔

之者閉也默也陰也 鬼谷子捍闔

故捍者或捍而出之或捍而納之闔者或闔而取之

或闔而去之捍闔者天地之道 鬼谷子捍闔

或開而示之或闔而閉之開而示之者同其情也闔

而閉之者異其誠也 鬼谷子捍闔

符應不失如騰蛇之所指若羿之引矢 鬼谷子反應

其張且網而取獸也多張其會而司之道合其事彼

自出之此釣人之網也常持其網驅之其言無比乃

為之變 鬼谷子反應

皆見其權衡輕重乃為之度數聖人因而為之慮其

不中權衡度數聖人因而自為之慮 鬼谷子捍闔

此飛箝之綴也用於人則空往而實來綴而不失以

究其辭可箝而從可箝而橫可引而東可引而西可

引而南可引而北可引而反可引而覆 鬼谷子飛箝

樞所以主門之動靜機所以主弩之放發言既知其

諸侯智謀能否然後立法鎮其動靜制其放發猶樞

之於門機之於弩 鬼谷子飛箝註



古之善摩者如操鈎而臨深淵餌而投之必得魚焉

鬼谷子  
摩手篇

西門豹為濮令佯亾其車轄令吏求之不能得使人

求而得之家人屋間韓非子內儲  
說上七術

周主下令索曲杖吏求之數日不能得周主私使人

求之不移日而得之乃謂吏曰吾知吏不事事也曲

杖甚易也而吏不能得我令人求之不移日而得之

豈可謂忠哉吏乃皆悚懼以君為神明韓非子內儲  
說上七術

周主亾玉簪令吏求之三日不能得也周主令人求

而得之家人之屋間周主曰吾知吏之不事事也求

簪三日不得之吾令人求之不移日而得之於是吏

皆悚懼以為君神明也韓非子內儲  
說上七術

有相與訟者子產離之而毋得使通辭倒其言以告

而知也惠嗣公使人偽關市關市呵難之因事關市

以金關市乃舍之嗣公謂關市曰其時有客過而予

汝金因譴之關市大恐以嗣公為明察韓非子外  
儲說左上

人主之大物非法則術也法者編著之圖藉設之於

官府而布之於百姓者也術者藏之於胷中以偶眾

端而潛御羣臣者也故法莫如顯而術不欲見是以

明主言法則境內卑賤莫不聞知也不獨滿於堂用



術則親愛近習莫之得聞也不得滿室而管子猶曰  
言於室滿室言於堂滿堂非法術之言也韓非子  
難三

御圓者不以信誠率眾執方者必以權謀自顯文選  
袁宏

名臣  
序贊

以智力求者喻如奕奕進退取與攻劫放舍在我者

也藝文類聚巧  
藝部圍棊

善說者若巧士因人之力以自為力因其來而與來

因其往而與往聽因便也太平御覽人  
事部游說下

投鼠者機動釣魚者機浮太平御覽  
獸部鼠

傳稱蘇秦張儀學縱橫之術於鬼谷先生掘地為坎

曰能下說合我泣出則能分人主之地蘇秦說鬼谷

先生泣沾衿張儀下說鬼谷先生泣亦沾衿太平御  
覽人事

部游  
說下

縛葦作機關多用於縶縷大莊嚴經  
論卷四偈

### 排善

夫至音不合眾聽故伯牙絕絃至寶不同眾好故卞

和泣血仲尼聖德而不容於世况於竹帛餘文其為

雷同者所排固其宜也後漢書陳  
元列傳

羣犬吠新客佞闇排疎賓直途既以塞曲路非所遵

魏書胡  
叟傳



世俗之君子視義士不若負粟者今有人於此負粟  
息於路側欲起而不能君子見之無長少貴賤必起  
之何故也曰義也今為義也君子奉承先王之道以  
語之縱不說而行又從而非毀之則是世俗之君子  
之視義士也不若視負粟者

墨子  
貴義

為義而不能必無排其道譬若匠人之斲而不能必

無排其繩

墨子  
貴義

百人操觶不可為固結千人謗獄不可為直辭萬人

比非不可為顯士

說苑  
雜言

言飄風轉運揚起塵埃搖動草木使之即時枯槁莖

葉被病不得盛長以言讒人亦運轉其言紛歷忠直

使之被病而傷刑也

王逸註楚  
辭九歎

魏女色豔鄭袖鼻之朝吳忠貞無忌逐之戚施彌妬

遽除多佞是故濕堂不灑塵卑屋不蔽風風衝之物

不得育水湍之岸不得峭

王充論衡  
累害篇

以塗搏泥以黑點繒孰有知之清受塵白取垢青繩

所汙常在練素處顛者危勢豐者虧頽墜之類常在

懸垂屈平潔白邑犬羣吠吠所怪也

王充論衡  
累害篇

非鷄擅蒿林仰笑神鳳飛坎井蝘蛭宅神龜安所歸

嵇中散集

述志詩

喻林人事

卷五十二排善

五



夫直繩者枉木之所憎也清公者姦慝之所讎也

抱朴子外篇名實

曾閔獲商人之謗孔墨蒙盜跖之垢懷正居貞者填

抱朴子外篇審舉

弘偉之士履道之生其崇信匪徒重仞之牆其淵澤不唯呂梁之深也故短近不能賞而淺促不能側焉因以異乎已而薄之矣以不求我而疾之矣不貴不用何足言乎乃有播埃塵於白珪生瘡痂於玉肌訕疵雷同攻伐獨立曾參蒙劫剽之垢巢許獲穿窬之

謗自匪明竝懸象玄鑒表微者焉能披泥抽淪玉澄

川掇沉珠哉

抱朴子外篇擢才

讒邪人之蔽善人也猶朝日洞明霧甚則不見天沙石至淨流濁則不見地雖有明淨之質而不發明者水霧蔽之也蘭蓀欲茂秋風害之賢哲欲正讒人敗

劉子傷讒

夫忠直之迂於主獨立之負於俗理勢然也故木秀於林風必摧之堆出於岸流必湍之行高於人衆必

非之

文選李康運命論

蘭薰而摧玉貞則折物忌堅芳人諱明潔

文選顏延之祭屈原文



任重載盛兮陷滯而不濟懷瑾握瑜兮窮不知所示

邑犬羣吠兮吠所怪也誹駿疑傑兮固庸態也

廣文選屈

平懷沙

顧浩日之顯行兮雲濛濛而蔽之竊不自聊而願忠

今或黜點而汙之

廣文選宋玉九辯

齊景公惡仲尼為魯政黎沮曰去仲尼如吹毛耳

林意

韓子

智海廣難量不測反增謗牛飲水成乳蛇飲水成毒

大方廣佛華嚴經讚卷十二

猶如雲霧障蔽淨月

本緣經月炎王品

夫鵠旦鳴夜不翻白日之光精衛銜石無損滄海之

勢然以闇亂明以小罔大雖莫動毫髮而有塵眦聽

弘明集序

### 害正

牀者人之所以安也剝牀之足滅下之道也下道始

滅剛隕柔長則正削而凶來也

王弼註易剝

剝之為害小人得寵以消君子貫魚者謂眾陰也駢

頭相次以若貫穿之魚

周易正義剝

為惡不已如彼翻飛之蟲恃其羽翮之力自恣東西



南北有時亦為弋者所獲言貪人恃此詐偽之智自恣侵害良善有時亦將為所誅毛詩正義桑柔

貪人之敗善類若大風之行毀壞眾物所在成蹊徑杜氏解左傳文公元年

神異經云崑崙西有獸焉其狀如犬長毛四足似熊而無爪人有德行而往抵角有凶惡而行依憑之名

渾沌史記五帝本紀虞舜註

西北有獸其狀似虎有翼能飛便剽食人知人言語

聞人鬪輒食直者聞人忠信輒食其鼻聞人惡逆不

善輒殺獸往饋之名曰窮奇史記五帝本紀虞舜註

夫眾煦漂山聚蟲成雷朋黨執虎十夫撓椎是以文

王拘於牖里孔子阨於陳蔡此乃烝庶之成風增積

之生害也前漢書景十三王傳

使朱紫共色粉墨雜蹂所謂抵金玉於沙礫碎珪璧

於泥塗後漢書黃瓊列傳

乃欲撓折棟梁孤弱漢室後漢書袁紹列傳

士有懷琬琰以就煨塵者亦何可支哉後漢書竇融列傳論

渭以涇濁玉以礫貞物性既區嗜惡從形蘭蕕無竝

銷長相傾徒恨芳膏煎灼燈明後漢書黨錮列傳

忠臣碎於虎口貞良弊於豺狼宋書武帝上本紀



從昏者忌明同枉者毀正搦弦為鉤張一作百行坐

欬嚏皆生風塵宋書文九 王建平傳

眾霧麗集共奪日光焦氏易林 噬嗑之良

比陸陽伏不知黑白君子傷讒正害善人焦氏易林 恒之履

他山之錯與璆為仇焦氏易林 明 夷之明夷

否則介鱗易我衣裳揚子 孝至

百草為稼穡之穢讒佞亦為忠直之害也王逸註楚 辭離騷經

言芳草為物其性微眇易以隕落言賢者用志精微

亦易傷害也王逸註楚 辭九章

言秋時百草將實微霜夜下而殺之使不得成熟也

以言讒人晨夜毀已亦將害已身使其忠名不得成

也王逸註楚 辭七諫

言破和氏之璧以繼築杵而春敗玉寶失其好也以

言取賢人刑傷使執斲役亦害忠良失其宜也王逸 註楚

辭九 歎

回風為飄以喻小人造飾奸偽賊害仁賢為君垢穢

如回風之起塵埃也王逸註楚 辭九思

佞人欲害賢如蠱之有螫毒王逸註楚 辭九思

讒人畫蛇足於無形姦臣畏忠貞之害已抱朴子外 篇擢才

虹蜺邪陰之氣而有照曜以蔽日月云讒言流行忠



良浸微也前漢書註息夫傳

小水不容大魚而橫鱣鯨於汙瀆必為螻蟻所制以

况小朝主闇不容受忠逆之言亦為讒賊小臣所害

前漢書註賈誼傳

黃鵠後時而寄處今鴟梟羣而制之神龍失水而陸

居今為螻蟻之所裁夫黃鵠神龍猶如此况賢者

之逢亂世哉補文選賈誼甫逝

譬如鳩毒藥以和甘露漿所向無不壞飲之皆仆僵

優填玉經衣六

佛言惡人害賢者猶仰天而唾唾不汗天還汗已身

逆風全人塵不汗彼還全于身賢者不可毀禍必滅

已也佛說四十二章經尺一

如金翅鳥欲食法龍斷法雨乎汝如惡風吹滅法炬

是大惡象欲拔法樹本緣經月光王品

法岳崩壞法船流沒法樹已摧法海枯竭阿育王傳三

然道大信難聲高和寡須彌峻而藍風起寶藏積而

怨賊生弘明集序

芳蘭竝茂而欲蘊崇焚之不亦暴乎弘明集釋駿論

### 害人

禹以四海為壑今吾子以鄰國為壑孟子告子下



今有人於此入人之場園取人之桃李瓜薑者上得且罰之衆聞則非之是何也曰不與其勞獲其實已非其有所取之故而况有踰於人之牆垣担格人之子女者乎與角人之府庫竊人之金玉蚤纍者乎與踰人之欄窖竊人之牛馬者乎而况有殺一不辜人乎

墨子非攻下

子墨子見齊大王曰今有刀於此試之人頭倅然斷之可謂利乎大王曰利子墨子曰多試之頭倅然斷之可謂利乎大王曰利子墨子曰刀則利矣孰將受其不祥大王曰刀受其利試者受其不祥子墨子曰

并國覆軍賊敖百姓孰將受其不祥大王俯仰而思

之曰我受其不祥

墨子魯問

今人曰某氏多貨其室培濕守狗歿其勢可穴也則必非之矣曰某國饑其城郭痺其守具寡可襲而篡之則不非之乃不知類矣

呂氏春秋聽言

善射者發不失的善於射矣而不善所射善釣者無所失善於釣矣而不善所釣故有所善則不善矣

淮南

子說山訓

親莫親於骨肉節族之屬連也心失其制乃反自害

况疏遠乎

淮南子說林訓

喻林人事

卷五十二 害人

十一



鬻棺者欲民之疾病也畜粟者欲歲之荒饑也淮南子說

林訓

愚人縱火於沛澤不能復振蜂蠆螫人放死不能息

其毒也鹽鐵論申韓

莒子展與虐而好劍苟鑄劍必試諸人太平御覽人事部貪

雖霜戈曜日寶劍暉天此乃凶荒之具非太平之器

也道德經註疏卷三

譬如旃陀羅常於冢間行求死屍無慈悲心視於衆

生得見死屍心大喜悅大寶積經卷一百一十三

譬如多毒能傷害人少亦能害華手經卷七

如種藥樹有人剪伐不令增長是人則壞無量衆生

療治病事令多衆生為病所困華手經卷八

猶如獵師見彼羣鹿但欲殺之無一善念長阿含經卷二十二

譬如野澤之中獵者見麋鹿欲害殺之樓灰經三小劫品

譬如蛟龍不擇好醜唯欲殺人大智度論卷十四

### 失人

交交黃鳥止于棘○交交黃鳥止于桑○交交黃鳥

止于楚詩國風黃鳥

伐檀君子能其宦而不用魏人慕之而作是詩詩說魏

此所謂衣褐懷寶者也當其貧困時人莫省視至其



貴也乃爭附之諺曰相馬失之瘦相士失之貧其此之謂邪史記滑稽傳

公愛班固而忽崔駰此葉公之好龍也後漢書崔駰列傳

衛人有病將死者扁鵲至其家欲為治之病者之父

謂扁鵲曰吾子病甚篤將為迎良醫治非子所能治

也退而不用乃使靈巫求福請命對扁鵲而咒病者

卒死靈巫不能治也夫扁鵲天下之良醫而不能與

靈巫爭用者知與不知也陸子資質

鴻魚逆流至人潛處蓬蒿代柱天屋顛倒焦氏易林同人之屯

明德隱伏麟鳳遠匿焦氏易林隨之歸妹

鴻鵠失珠無以為明焦氏易林臨之師

夫智大量遠者盤桓以山峙器小志近者蓬飛而萍

浮夫唯山峙故莫之能動焉夫唯萍浮故流而不滯

焉方之貨也則緘連以待買者唯至珍而難售鳴鼓

以徇之者雖凡蔽而易盡比之材也則結根於嵩岱

者雖竦蓋千仞垂陰萬畝而莫之知也插株於塗要

者雖鈎曲戾細而速朽而猶見用也故廟堂有枯楊

之瑚簋窮谷多不伐之梓椽也抱朴子外篇名實

恐千里之足屈於槽櫪之下贊世之才委於壟畝之

間藝文類聚治政部薦舉表



被裘公者吳人也延陵季子出遊見道中遺金顧而  
覩之謂公曰取彼金公投鑣瞋目拂手而言曰何子  
居之高視之卑吾被裘而負薪豈取遺金者哉季子  
大驚既謝而問其姓名曰吾子皮相之士何足語姓  
名哉藝文類聚人部隱逸上

楊公用人如貧士市瓜取其大者何氏語林輕詆

徒近玄流無心灑垢神醫在側不知愈疾玉清經法印品

### 失時

九五枯楊生華老婦得其士夫易大過

不出門庭凶失時極也易節

若其不明終始之道應潛而飛應飛而潛應生而殺

應殺而生六位不以時而成也周易正義乾

山有樞隰有榆子有衣裳弗曳弗婁子有車馬弗馳

弗驅宛其死矣他人是愉○山有栲音考隰有杻音紐子

有廷內弗灑弗掃子有鐘鼓弗鼓弗考宛其死矣他

人是係○山有漆音七隰有粟子有酒食何不日鼓瑟

且以喜樂且以永日宛其死矣他人入室詩國風山有樞

盛德不報重寄不歸天與不受天奪之寶史記龜策傳

若其羲和促轡大火西頽臨川恨晚將復何階晉書皇甫謐傳



寧謂尉羅裁舉微禽先落閭闔始吹細草仍墜梁書王僧儒傳

夫遭風雲之會不建騰躍之功者非人豪也北史張袞傳

跛躓未起失利後市焦氏易林屯之困

秋冬探巢不得鵲雛焦氏易林訟之睽

逐兔索烏破我弓車日暮不及失利後時焦氏易林履之井

固陰沍寒常冰不溫焦氏易林泰之噬嗑

久陰霖雨塗行泥潦商人休止市空無有焦氏易林謙之恒

兩足不獲難以遠行疾步不能後侶失時焦氏易林豫之泰

秋季孟冬寒露霜降大陰在庭庶物不生焦氏易林蠱之夬

鬱映不明陰積無光日在北陸萬物彫藏焦氏易林无妄之蒙

鶴鳴九臯處子失時焦氏易林无妄之解

寒露所凌漸致堅冰草木瘡瘍花落葉亡焦氏易林坎之解

六月種黍歲晚無雨焦氏易林恒之革

寒燠失時陽旱為災焦氏易林明夷之同人

積水不溫北陸苦寒露宿多風君子傷心焦氏易林睽之巽

陽伏在下陰制祐福生不逢時潛龍隱處焦氏易林萃之頤

次三東辰以明不能以行測曰東辰以明奚不逝也

太玄經第一童

言黃鵠一飛千里常集高山茂林之上設後時而欲



寄處則鴟梟羣聚禁而制之不得由也言賢者失時

後輩亦為讒佞所排逐之王逸註楚辭惜誓

幸遭聖主平世而久懷寶是伯牙去鍾期而舜禹遁

帝堯也文選王褒四子講德論

盍亦因子都而事博陸憑鷁首以涉洪流路蹈翠雲以

駭逸龍振光躍以驚沈鮪徒屈靈蟠於埴井眇天路

而不遊廣文選東廣徵玄居釋

不知盱豫之讖悔遲而忘夫朋盍之義務疾亦登海

湄而抑東流之水臨虞泉而招西歸之日廣文選東廣徵玄居

釋

微霜降而下淪兮悼芳草之先薨楚辭遠遊

如彼引鯤魚待盡守空梁藝文類聚人部愁詩

頭白可期汗青無日事文類聚作史

龍門有奇價自言梧桐枝華暉實掩映細葉能披離

不降周王子空待歲時移嚴風忽交勁遂使無人知

初學記果木部桐

凡治瘡先發如食頃乃可以治過之則失時也黃帝素問

內經刺瘡論

如曉時燈雖有無用禪要呵欲經

昔有愚人將會賓客欲集牛乳以俟供設而作是念



我今若預於日日中聲取牛乳牛乳漸多都無安處  
或復酢敗不如即就牛腹盛之待臨會時當頓聲取  
作此念已便捉犝牛母子各繫異處却後一月爾乃  
設會延置賓客方牽牛來欲聲乳取而此牛乳即乾  
無有時為衆賓或瞋或笑

百喻經卷上

世間愚人亦復如是不別時節春秋冬夏便於冬時  
擲種土中望得果實徒喪其功空無所獲芽莖枝葉

一切都失

百喻經卷下

過時

九三日昃之離不鼓缶而歌則大耋之嗟凶象曰日

昃之離何可久也

易離

桑之落矣之時其葉黃而隕墜以興婦人年之老矣  
之時其色衰而彫落

毛詩正義六

梅實尚餘七未落喻始衰也謂女二十春盛而不嫁

至夏則衰

鄭氏箋詩標有梅

若爾之年者冢上之木拱矣

公羊僖公二十三年

田光曰臣聞騏驥盛壯之時一日而馳千里至其衰  
也駑馬先之今太子聞光壯盛之時不知吾精已消

亾矣

戰國策燕王喜

今夫烏獲舉千鈞之重行年八十而求扶持故齊雖



強國也西勞於宋南罷於楚則齊軍可敗而河間可

取戰國策  
燕昭王

徒恐鷦鷯之將鳴兮顧先百草為不芳前漢書揚  
雄傳上

田彼南山蕪穢不治種一頃豆落而為其人生行樂

耳須富貴何時前漢書  
揚惲傳

跛踦相隨日暮牛罷陵遲後旅失利亾雌焦氏易林  
乾之渙

老楊日衰條多枯枝焦氏易林  
蒙之訟

冬生不花老女无家霜冷蓬室競為枯株焦氏易林  
蒙之兌

早凋被霜花葉不長焦氏易林  
蒙之中孚

酒為酸漿魴鳧鮑羹焦氏易林  
豫之小畜

日在阜顛嚮昧為昏小人成羣君子傷倫焦氏易林  
隨之明夷

枯竹後生失其寵榮焦氏易林  
頤之兌

南至之日陽消不息北風烈寒萬物藏伏焦氏易林  
坎之歸妹

海老水乾魚鼈蕭索焦氏易林  
遯之否

歲暮花落陽入陰室焦氏易林  
夬之坤

夜長日短陰為陽成萬物空枯藏於北陸焦氏易林  
夬之明夷

朝暮日月四馬過隙歲短期促時難再得焦氏易林  
鼎之大壯

次八月高弦火幾縣不可以動動有愆測日月弦火

縣恐見咎也太玄經  
第五去

次六日失烈烈君子將衰降太玄經  
第六將



狡兔訖則知獵犬之不用高鳥盡則覺良弓之將棄

抱朴子外篇知止

風吹飛藿之時蓋桃李零落之日華實既盡柯葉又

彫無復一毫可悅

李善註文選阮嗣宗詠懷詩

恃已知而革予今鷓鴣鳴而不芳冀一年之三秀今

適白露之為霜

文選思玄賦

傷彼蕙蘭花含英揚光輝過時而不采將隨秋草萎

文選古詩

嘉樹下成蹊東園桃與李秋風吹飛藿零落從此始

繁華有憔悴堂上生荆杞

藝文類聚人部言志詩

語曰夜行被繡不足為榮

藝文類聚人部別下書

團團明月魄滿則缺亭亭陽暉曜過則逝

藝文類聚禮部婚箴

昔周人有仕不遇年老白首泣涕於途者或問何為

泣乎對曰吾仕數不遇自傷年老失時是以泣

藝文類聚

人部泣

吾年往志盡譬如八百錢馬歿生同價

藝文類聚獸部馬

歲留留其若頽今時亦冉冉而將至蘋蘩槁而節離

兮芳已歇而不比

楚辭九章悲回風

譬如折輪無所復用老苦將至亦復如是

元陽妙經卷

如大富家豐諸珍寶衣服卧具怨賊入家劫奪家資



悉皆空盡男子盛年壯色亦復如是常為老賊之所

劫奪元陽妙經卷一

老如形變喻如故車法句經老耄品

老如白鷺守伺空池法句經老耄品

業雜

晉如鼯鼠无所守也者蔡邕勸學篇云鼯鼠五能不

成一伎周易正義晉

如當路築室得人而與之謀所為路人之意不同故

不得遂成也鄭氏箋詩小旻

士農工商四民者國之石民也不可使雜處雜處則

其言唯其事亂管子小匡

青染於白而白不全滅是青不勝白之謂也潔白之

質而為青所染是白不勝青之謂也謂之青而白猶

不滅謂之白而為青所染兩色並章故曰兩明也孫公

龍子通變論註

賈多端則貧工多技則窮心不一也故木之大者害

其條水之大者害其深有智而無術雖鑽之不通有

百技而無一道雖得之弗能守淮南子詮言訓

喜武非俠也喜文非儒也好方非醫也好馬非騶也

知音非瞽也知味非庖也此有一槩而未得主名也



淮南子  
說山訓

君子賤二而貴一人孰無善善不一故不足以立身

治孰無常常不一故不足以致功

春秋繁露  
天道無二

目不能二視耳不能二聽一手不能二事一手畫方

一手畫圓莫能成

春秋繁露  
天道無二

一門二關結弭不便峻道異路日暮不到

焦氏易林  
華之坤

初一蟹之郭索後蚓黃泉測曰蟹之郭索心不一也

太玄經  
第二鏡

稱干將之利刺則不能擊擊則不能刺非刃不利不

能一旦二也蜥彈雀則失鸚射鵲則失鴈方圓畫不

俱成左右視不並見人材有兩為不能成一使干將

寡刺而更擊蜥捨鵲而射鴈則下射無失矣

王充論  
衡書解

篇

蟹之後蚓者用心之不一雖有郭索多足之蟹不及

無足之蚓也

太玄經第  
二鏡解

純則巧偽息雜則姦邪生

揚子法言  
註門神篇

鼯五伎鼠也能飛不能上屋能緣不能窮木能浮不

能渡谷能伏不能掩身能走不能先人

藝文類聚  
獸部鼠

鴻鶴在上扞弓葶弩待之若發若否問二五弗知非

二五難計也欲鴻之心亂也

太平御覽  
兵部弓



譬如獼猴遊林樹間須臾處處攀捉枝條放一取一  
雜阿含經 卷十二

譬如工師多有所能所能多故普不精悉如有人偏

能一事則必盡其美

大智度論 卷五十三

有羣雞依榛林住有狸侵食雄雞唯有雌在後有鳥  
來覆之共生一子子作聲時公說偈言此兒非我有  
野父聚落母共合生一子非鳥復非雞若欲學公聲  
復是雞母生若欲學母鳴其父復是鳥學鳥似雞鳴  
學雞作鳥聲鳥雞二兼學是二俱不成

法苑珠林 卷五十一

喻林卷五十二 終

喻林卷五十三

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 五十一

小用

子之武城聞絃歌之聲夫子莞爾而笑曰割雞焉用

牛刀

論語 陽貨

枳棘非鸞鳳所棲百里豈大賢之路

後漢書循吏列傳

傳曰函牛之鼎以烹雞多汁則淡而不可食少汁則



熬而不可熟此言大器之於小用固有所不宜也後漢

書文苑列傳

千鈞之弩不為鼷鼠發機萬石之鐘不以莛撞起音

魏志杜襲傳

摧鸞鳳之翮遊燕雀之宇蜀志劉巴傳

枉高車以載鼷費明珠以彈雀隋書王貞文學傳

小販之市利不足喜焦氏易林遜之歸妹

利劍宜以為威誅無狀以征不服今乃用斫蓬蒿割

熟肉非其宜也以言使賢者為僕隸之徒非其宜也

王逸註楚辭九歎

荆卿朱亥不示勇於怯弱之間孟賁馮婦不奮戈戟

於俚俠之羣英儒碩生不飾細辯於淺近之徒達人

偉士不變皎察於流俗之中抱朴子外篇博喻

孫興公道曹輔佐才如白地明光錦裁為負版袴非

無文采酷無裁製世說新語言語

華譚移前松滋令袁甫曰枯澤非應龍之泉平林非

鸞鳳之窟太平御覽地部林

夫解小而引大了淺而伸深猶以牛刀割雞長爿刈

薺太平御覽菜茹部薺

張大網以漉鱖蝦辱九鼎以烹鼃鼃太平御覽鱗介部蝦



字說曰善鬪謂之翰非不健也然尾長故飛不能遠  
譬諸強學務末勝本則其出入亦不能遠

爾雅 翼鷺

游虬一壑栖鸞一叢

初學記居處部堂

昔有窮寒孤獨老公無以自業遇市得一斧是眾寶  
之英而不識之持行斫杖賣之以供微命用斧欲盡  
見外國治生大賈客名曰薩薄見斧識之便問老公  
賣此斧不老公言我仰此斧斫杖生活不賣也薩薄  
復言與公絹百疋何以不賣公謂調已亦不應和薩  
薄復言何以不見應和與公二百疋公便悵然不樂  
薩薄復言嫌少當益公何以不樂與公五百疋公便

大啼哭言我不恨絹少我愚癡此斧長尺半斫地已  
盡餘有五寸猶得五百疋是以為恨耳薩薄復言勿  
復遺恨今與公千疋即便破券持去此斧眾寶之英  
耳地博不問多少以斧著上薪火燒之盡成貴寶

王譬喻 經基一

可欺

宰我問曰仁者雖告之曰井有仁焉其從之也子曰  
何為其然也君子可逝也不可陷也可欺也不可罔

論語 雍也

昔者有饋生魚於鄭子產子產使校人畜之池校人



烹之反命曰始舍之圉圉焉少則洋洋焉攸然而逝  
 子產曰得其所哉得其所哉校人出曰孰謂子產智  
 予既烹而食之曰得其所哉得其所哉故君子可欺  
 以其方難罔以非其道孟子萬章上  
 夫俗士之牽達人也猶鶉鳥之欺孺子也鶉鳥之性  
 善近人飛不峻也不速也蹲蹲然似若將可獲也卒  
 至乎不可獲是孺子之所以跼膝腕足而不以為弊  
 也俗士之與達人言也受之雖不肯拒之則無說然  
 而有贊焉有和焉若將可寤卒至乎不可寤是達人  
 之所以乾唇竭聲而不舍也斯人也固達之蔽者也

非達之達者也

徐幹中論貴言

釣者以木為魚丹漆其身近之水流而擊之起水動  
 作魚以為真並來聚會夫丹木非真魚也魚含血而

有知猶為象至

王充論衡亂龍篇

譬如空拳以誑小兒小兒著故謂以為有

大智度論卷四十三

如人手捉重寶有人以少金誑之捨大價寶而取賤  
 物是名耗減

大智度論卷六十九

貪得

碩鼠刺重斂也國人刺其君重斂蠶食於民不修其  
 政貪而畏人若大鼠也

毛詩碩鼠



所求無饜則不安譬如物偏重則離散

杜氏解左傳哀公十六年

齊人見田駢曰聞先生高議設為不宦而願為役田

駢曰子何聞之對曰臣聞之鄰人之女田駢曰何謂

也對曰臣鄰人之女設為不嫁行年三十而有七子

不嫁則不嫁然嫁過畢矣今先生設為不宦訾養千

鍾徒百人不宦則然矣而富過畢矣

戰國策齊宣王

墨子見楚王曰今有人於此舍其文軒隣有敝輿而

欲竊之舍其錦繡隣有裋褐而欲竊之舍其梁肉隣

有糟糠而欲竊之此為何若人也王曰必為有竊疾

矣墨子曰荆之地方五千里宋方五百里此猶文軒

之與敝輿也荆有雲夢犀兕麋鹿盈之江漢魚鼈鼉

鼉為天下饒宋所謂無雉兔鮒魚者也此猶梁肉之

與糟糠也荆有長松文梓楸楠豫章宋無長木此猶

錦繡之與裋褐也臣以王吏之攻宋為與此同類也

戰國策宋景公

髡曰今者臣從東方來見道傍有穰田者操一豚蹄

酒一盃而祝曰甌窶滿篝汙邪滿車五穀蕃熟穰穰

滿家臣見其所持者狹而所欲者奢

史記滑稽傳

夫無毛髮之勞而欲求人丘山之用此淳于髡所以

拍髀仰天而笑者也

後漢書張奐列傳



宋有澄子者亡其緇衣順塗以求之見婦人衣緇衣  
 焉援之而弗舍曰而以是償我矣婦人曰公雖亡緇  
 衣然此吾所自為者也澄子曰而弗如速以償我矣  
 我昔所亡者紡緇也今子之所衣者禪緇也以禪緇  
 而當我之紡緇也而豈有所不得哉子華子曰夫利  
 之昏心也幸於得而已矣忘其所以為質者矣子華子神

氣

宋人有曹商者為宋王使秦其往也得車數乘王說  
 之益車百乘反於宋見莊子曰夫處窮問阨巷困窘  
 織屨槁項黃馘者商之所短也一悟萬乘之主而從

車百乘者商之所長也莊子曰秦王有病召醫破癰  
 潰座者得車一乘舐痔者得車五乘所治愈下得車  
 愈多子豈治其痔邪何得車之多也子行矣莊子列  
 禦寇  
 非無安居也我無安心也非無足財也我無足心也

墨子  
親士

魯祝以一豚祭而求百福於鬼神子墨子聞之曰是  
 不可今施人薄而望人厚則人唯恐其有賜於已也  
 今以一豚祭而求百福於鬼神唯恐其以牛羊祀也

墨子  
魯問

或曰千金之家其子不仁人之急利甚也桓公五伯



之上也爭國而殺其兄其利大也

韓非子難四

夫增高者崩貪富者致患

河上公註老子道化

臣笑臣隣之祠田也以奩飯與一鮒魚其祝曰下田

洿邪得穀百車蟹堞者宜禾臣笑其所以祠者少而

所求者多

說苑復恩

臣笑臣隣之祠田也以一奩飯一壺酒三鮒魚祝曰

蟹堞者宜禾洿邪者百車傳之後世洋洋有餘臣笑

其賜鬼薄而請之厚也

說苑尊賢

張騫言大苑之天馬汗血安息之真玉大烏縣官既

聞如甘水焉

鹽鐵論西域

經棗整冠意盈不厭

焦氏易林解之賁

呂不韋之盜穿窬之雄乎穿窬也者吾見擔石矣未

見雒陽也

揚子淵騫

次四夷其牙或飶之徒測曰夷其牙食不足嘉也

太玄

經第二夷

次七離如婁如赤肉鴟鴞厲測曰離婁赤肉食不臧

也

太玄經第五沈

次五雕鷹高翔沈其腹好媿

懷

惡粥

余六切

測曰雕鷹

高翔在腐糧也

太玄經第五沈

齧骨折齒大貪利也

太玄經第六闕

水人事

卷五十三

三貪得



天之制此財也猶國君之有府庫也賦賞奪與各有  
眾寡民豈得彊取多哉故人有無德而富貴是凶民  
之竊官位盜府庫者也終必覺覺必誅矣盜人必誅

况乃盜天乎得無受禍焉潛夫論 過利

佞人知行道可以得富貴必以佞取爵祿者不能禁

欲也知力耕可以得穀勉貿可以得貨然而必盜竊

情欲不能禁者也王充論衡 答佞篇

夫佞與賢者同材佞以情自敗偷盜與田商同知偷

盜以欲自効也王充論衡 答佞篇

鳶鳴也不善搏擊貪於攫肉也張華註 禽經

非有通變藐世之才而偷安乎一時之利者皆豕彘

者也郭子註莊 徐無鬼

禁民酤釀獨官開置如道路設木為權獨取利也前漢

書註武 帝紀

禁閉其事總利入官而下無由以得有若渡水之權

前漢書註 武帝紀

楚王謂淳于髡曰吾有仇在吳子寧能為吾報之乎

對曰臣見來道旁野民持一頭魚上田祝曰高得萬

束下得千斛臣竊笑之以為禮薄而望多也藝文類 聚鱗介

部魚



南州異物志曰狸人不愛骨肉而貪寶貨見賈人財物牛犢便以子易之

太平御覽 人事部貪

齊有一女二家求之其家語其女曰汝欲東家則左袒欲西家則右袒其女兩袒父母問其故對曰願東家食而西家息以東家富而醜西家貧而美也

太平御覽

人事部 美婦人

魏文侯見宋陵子三仕不碩文侯曰何貧子曰王見楚富者牧羊九十九而願百嘗訪邑里故人其鄰人貧有一羊富者拜之曰吾羊九十九今君之一盈我成百則牧數足矣隣者與之從此觀之焉富者非富

貧者非貧也

太平御覽 獸部羊

齊魯爭汶陽之田魯侯有憂色魯有隱者周豐往規曰臣嘗晝寢愀然聞羣虱之鬪乎衣中甘臣膏腴之肌珍臣項脊之膚相與樹黨爭之日夜不息相殺者太半虱父止之曰我與爾所慮不過容口奚用竊爭交戰為哉羣虱止今君以七百里地為君之臣亦以足矣而以汶陽數步之田惑君之心曾不如一虱之知竊謂君羞之魯侯曰善

太平御覽 蟲豸部蚤

又如蒼蠅而愛腐臭性之所便無由自改

玉清經通 濟幽冥品

如蜂止華愛樂戀著啜吮華味以自資養蜂棄此華



更處餘華或棄香入臭或棄臭入香隨其所在莫不

自愛戀結貪著 大乘顯識 經推三

人心著欲無有厭足如火得薪如海吞流如頂生王

雖雨七寶王四天下帝釋分座猶不知足 三昧法門 經卷六

汝心所作常求果報猶如獼猴入於稠林 本緣經毗 羅摩品

天雨七寶欲猶無厭 法句經 利養品

苟生無恥如鳥長啄 法句經 塵垢品

如春熱渴牛求水不避杖突入清流中飲足乃還歸

大莊嚴經 論卷五偈

譬如大蟒張口吐涎吸引諸物 大乘莊嚴 經論卷六

如臭皮囊中金以貪金故不可棄於皮囊 法苑珠林 卷七十

### 貪惑

亦猶竊鐘掩耳以衆人爲不聞銳意盜金謂市中爲

莫覩故知貪於近者則遺遠溺於利者則傷名 晉書 宣帝

紀

夫國非其有也而欲有之可謂至貪也不能爲人又

無以自爲可謂至愚矣譬白公之嗇也何以異於梟

之愛其子也 淮南子 道應訓

知脂蠟之可明燈也而不知其甚多則冥之知利之

可娛已也不知其稱而必有也前人以病後人以競



庶民之愚而衰闇之至也潛夫論 過利

夫失志於韓而受其餽是猶魚之失水於淵而又吞其餌也受餽者傷于義吞餌者傷于舌其貪均也天祿

閣外史 辭受

昔有一人貧窮困乏與他客作得鹿褐衣而披著之有人見之而語之言汝種姓端正貴人之子云何著此麓弊衣褐我今教汝當使汝得上妙衣服當隨我語終不欺汝貧人歡喜敬從其言主人即便在前然火語貧人言今可脫汝麓褐衣著於火中於此燒處當使汝得上妙欽服貧人即便脫著火中既燒之後

於此火處求覓欽服都無所得百喻經 卷上

往昔世時有婦女人始有一子更欲求子問餘婦女誰有能使我重有子有一老母語此婦言我能使爾求子可得當須祀天問老母言祀須何物老母語言殺汝之子取血祀天必得多子時此婦女便隨彼語欲殺其子傍有智人嗤笑罵詈愚癡無智乃至如此未生子者竟可得而不而殺現子百喻經 卷上

昔者海邊有樹木數十里中有獼猴五百餘頭時海水上有聚沫高數十丈像如雪山隨潮而來住於岸邊諸獼猴見自相與語吾等上是山頭東西遊戲不



亦樂乎時一獼猴便上頭徑下沒水底衆獼猴見怪  
 久不出謂沫山中快樂無極是以不來皆競踊跳入  
 沫聚中一時溺死佛借以爲喻海者謂生死海也沫  
 山者五陰身也獼猴者人識神也不知五陰無所有  
 愛欲癡者從是沒生死海莫有出期雜譬喻經下  
 譬如餓狗悵惶緣路遇值瓊骨久無肉膩但見赤塗  
 言是厚味便就銜之至多人處四衢道中以貪味故  
 涎流骨上妄謂甜美或齧或舐或齧或吠歡愛纏附  
 初無捨離時有利帝利波羅門及諸長者皆大富貴  
 來遊此路時此餓狗遙見彼來心生熱惱作如是念

彼來人者將無奪我所重美味便於是人發大瞋恚  
 出深毒聲惡眼邪視露現齒牙便行齧害法苑珠林卷九十

貪昧

太子友曰適游後園聞秋蛸之聲往而觀之夫秋蟬  
 登高樹飲清露隨風攜撓長吟悲鳴自以爲安不知  
 螳螂超枝緣條曳腰聳距而稷其形夫螳螂翕心而  
 進志在有利不知黃雀盈綠林徘徊枝陰蹶蹶微進  
 欲啄螳螂夫黃雀但知伺螳螂之有味不知臣挾彈  
 危擲躑躅飛丸而集其背今臣但虚心志在黃雀不  
 知空埒其旁闇忽埒中陷於深井臣故裕體濡履幾



為大王取笑王曰天下之愚莫過於斯但貪前利不

覩後患

吳越春秋夫差內傳

高飛之鳥死於美食深泉之魚死於芳餌今欲伐吳

必前求其所好參其所願然後能得其實

吳越春秋勾踐陰謀

外傳

莊辛對楚襄王曰臣聞鄙語曰見兔而顧犬未為晚

也亡羊而補牢未為遲也臣聞昔湯武以百里昌桀

紂以天下亡今楚國雖小絕長續短猶以數千里豈

特百里哉王獨不見夫蜻蛉乎六足四翼飛翔乎天

地之間俛啄蚤蚩而食之仰承甘露而飲之自以為

無患與人無爭也不知夫五尺童子方將調飴膠絲

加已乎四仞之上而下為螻蟻食也黃雀因是以俯

嚼白粒仰棲茂樹鼓翅奮翼自以為無患與人無爭

也不知夫公子王孫左挾彈右攝丸將加已乎十仞

之上以其類為招晝游乎茂樹夕調乎酸鹹倏忽之

間墜于公子之手夫雀其小者也黃鵠因是以遊乎

江海淹乎大沼俯嚼鱖鯉仰齧陵蘅奮其六翮而凌

清風飄搖乎高翔自以為無患與人無爭也不知夫

射者方將修其落盧治其矰繳將加已乎百仞之上

被剗磻引微繳折清風而耘矣故晝遊乎江河夕調



乎鼎鼎夫黃鵠其小者也

戰國策楚項襄王

夫虎肉臊其兵利身人猶攻之也若使澤中之麋蒙

虎之皮人之攻之必萬之於虎裂楚之地足以肥國

訕楚之名足以尊主今子將以欲誅殘天下之共主

居三代之傳器吞三翮六翼以高世主非貪而何

史記

楚世家

且夫翠鵠犀象其處世非不遠死也而所以死者惑

於餌也蘇秦智伯之智非不足以辟辱遠死而所以

死者惑於貪利不止也

史記蔡澤傳

夫殺人而取其璧不知在已與累傾物而移其寵不

忌自我難持

宋書王革傳史臣

祝宗人玄端以臨牢筴說彘曰汝奚惡死吾將三月

撻汝十日戒三日齊藉白茅加汝肩尻乎彫俎之上

則汝為之乎為彘謀曰不如食以糠糟而錯之牢筴

之中自為謀則苟生有軒冕之尊死得於豚楯之上

聚俚之中則為之為彘謀則去之自為謀則取之所

異彘者何也

莊子達生

莊周遊乎雕陵之樊覩一異鵠自南方來者翼廣七

尺目大運寸感周之穎而集於栗林莊周曰此何鳥

哉翼殷不逝目大不覩蹇裳躩步執彈而留之覩一



蟬方得美蔭而忘其身螳螂執翳而搏之見得而忘其形異鵲從而利之見利而忘其真莊周休然曰噫物固相累二類相召也捐彈而反走

莊子 山木

無勇者非先懾也難至而失其守也貪婪者非先欲也見利而忘其害也虞公見垂棘之璧而不知號禍之及已也故至道之人不可遏奪也

淮南子 繆稱訓

天下縣官法曰發墓者誅竊盜者刑此執政之所司也夫法令者網其姦邪勒率隨其蹤跡無愚夫蠢婦皆知為姦之無脫也犯禁之不得免也然而不材子不勝其欲蒙死亡之罪而被刑戮之羞然而立秋之

後司寇之徒繼踵於門而死市之人血流於路何則

惑於財利之得而蔽於死亡之患也

淮南子 汜論訓

臣園中有榆其上有蟬蟬方奮翼悲鳴欲飲清露不知螳螂之在後曲其頸欲攫而食之也螳螂方欲食蟬而不知黃雀在後舉其頸欲啄而食之也黃雀方欲食螳螂而不知童子挾彈丸在下迎而欲彈之童子方欲彈黃雀不知前有深坑後有窟也此皆言前之利而不顧後害者也非獨昆蟲衆庶若此也人主亦然

韓詩 外傳

狗逐兔走俱入谷口與虎逢之迫不得去

焦氏易林 觀之垢



越畝逐兔斷其禪襦焦氏易林 遯之泰

孩子含餌為利所悅探釜把甌爛其手臂焦氏易林 家人之巽

炙魚銅斗張伺夜鼠不忍香味機發為祟焦氏易林 井之坎

高飛視下貪饕所在腐臭為患害於躬身焦氏易林 震之渙

魚鼈貪餌死於網釣受危因寵為身殃咎焦氏易林 既濟之明

夷

梟愛養其子子長而食其母也白公愛荆國之財而

殺其身也呂氏春秋 分職解

狺狺之狀形乍如犬厥性識往為物警辯以酒招災

自貽纓胃山海經海內 南經圖讚

曠弩危機嚴鏃銜弦至可忌也而勇雉觸之而不猜

闇政亂邦惡直妬能甚難測也而貪人競之而不避

故飛鋒暴集而不覺禍敗奄及而不振抱朴子外 篇廣譬

無異乎犧牛之被紋繡淵魚之愛莽麥渴者之咨口

於雲日之酒饑人之取飽於鬱肉漏脯也抱朴子外 篇良規

寒土有獸其名曰豹生角當心俯而磨之憤心而死

炎州有鳥其名曰梟媼伏其子百日而長羽翼既成

食母而飛蜀侯之迎秦牛牛逾近而身轉危何異豹

磨其角角逾利而身速亡乎白公之遽財財逾積而

身愈滅何異梟之養子子愈長而身就害也劉子 貪愛



昔齊有貨美錦於市盜於衆中而竊之吏執而問曰  
汝何盜錦於衆中對曰吾但見錦不見有人故取之  
耳若斯人者眩於利而忘於害

劉子利害

黃口以貪餌而忘害故擒於羅者異鵲以見利而忘  
身且怵於莊周是以智者見利而思難闇者見利而

忘患

劉子利害

耿弇曰懷金玉者至不生歸

李善註文選鮑明遠行藥詩

天寒即飛鳥走獸尚知相依周周銜羽以免顛仆蚤  
蝨負螿以食美草而當路者知進趨不念暮歸所安  
爲者惟夸譽名故致憔悴而心悲也

李善註文選阮嗣宗詠懷詩

厚味來殃豔色危身求高反墜務厚更貧

補文選下蘭座右銘

玄鳥紆幙而不被害鳴隼遠巢咸以欲死盼彼梁魚

逡巡倒尾沉吟不決忽焉失水

廣文選董威輦答孫楚詩

愛餌銜鈎悔在鸞刀披文食豢乃啓其毛

藝文類聚人部朝戲

譬如黃雀伺蟬不知隨蟬應至青鸕逐兔詎識扛鼎

方前

藝文類聚內典部寺碑

衆人之逐世利如青蠅之赴肉汁也青蠅嗜肉汁而

忘溺死衆人貪世利而陷罪禍

藝文類聚蟲部蠅論

昔宋人臨萬仞之淵釣數寸之鱗魚將食釣不知膝

之日進有傾墮而死能誘也

太平御覽鱗介部魚



六韜曰緡隆餌重則嘉魚食之緡調餌芳則庸魚食之

埤雅品物門鱖

譬如貨易齋持雜寶遠到他國種種貪求忽被賊傷

喪其身命

海空智藏經持誡品

譬如大海彼岸之國多有甘露若有食者年得三千

除諸病苦安穩快樂愚癡之人貪其味故裝治船舫

海空智藏經持誡品

往彼給取不知海中有大鱗魚能吞船舫

猶如嶮處有草覆於岸邊多有甘露若有食者壽年

元陽妙經卷一

千歲永除諸病安穩快樂凡夫衆生貪其味故不知

其下有深坑即前欲取不覺墮坑遂殞其命

譬如有人欲行遠路至於曠野以饑渴所逼忽值果

虛空孕菩薩經卷下

林便入彼處求食因緣欲活命故而彼之人忽遇大

中陰經卷下

樹革果充足香美成就遇已得味得是味已更上毒

樹而服毒果服已命終

虛空孕菩薩經卷下

如蛾貪火光不避滅身難

如得酒病惛醉不醒乃至數劫猶不得覺酒消始悟

佛說四十二章經尺一

財色之於人譬如小兒貪刀刃之蜜甜不足一食之

美然有截舌之患也

佛說四十二章經尺一

昔有婆羅門家中巨富又乃耆年唯有一子年纔十



六母卽喪亡彼婆羅門不能鰥獨遂再婚聚未久之  
間妻乃有姪妻未生產其婆羅門尋亦命終於是其  
子白繼母言家中財物金銀珍寶乃至一切受用之  
具悉屬於我更無別人分我財物時彼繼母聞子語  
已卽告子言我今所懷汝父遺體待其長育與汝均  
分其子時復再言其事母起思念此子年幼情性癡  
騃雖與深言未能分曉又以貪惜欲疾婉身多設方  
便求於速產日月未滿返損其孕大正句  
王經上  
若城失火中有富者爲衆導師見舍燒壞貪於寶物  
不顧身命突前入火至寶藏篋邊有虺篋爾時導師

旣畏盛火烟熏其目心中憤憤不諦省察誤取虺篋  
挾之走出賊隨後追逼之欲近則更思之我當解篋  
取中要者以著懷中置餘退去爾乃安隱則開篋視  
唯見毒虺乃知非寶是虺虺耳修行道地  
經觀品

往有商人貸他半錢久不得償卽便往債前有大河  
雇他兩錢然後得度到彼往債竟不得見來還度河  
復度兩錢爲半錢債而失四錢兼有道路疲勞之困  
所債甚少所失甚多果被衆人之所怪笑世人亦爾  
要少名利致毀大行苟容已身不顧禮義現受惡名  
後得苦報百喻經  
卷上



昔有一乳母抱兒涉路行道疲極睡眠不覺時有一人持歡喜丸授與小兒小兒得已貪其美味不顧身物此人即時解其鉗鎖瓔珞衣物都盡持去百喻經卷下昔有一人遭事應死繫在牢獄恐死而逃走國法若有死囚踰獄走者即放狂象令蹈殺於是放狂象令逐此罪囚囚見象欲至走入墟井中下有一大毒龍張口向上復四毒蛇在井四邊有一草根此囚怖畏一心急捉此草根復有兩白鼠啮此草根時井上有一大樹樹中有蜜一日之中有一滴蜜墮此人口中其人得此一滴但憶此蜜不復憶種種眾苦便不復

欲出此井是故聖人借以為喻獄者三界囚眾生狂

象者無常井眾宅也下毒龍者地獄也四毒蛇者

四大也草根者人命根也白鼠者日月也日月尅食

人命日日損減無有暫住然眾生貪著世樂不思大

患是故行者當觀無常以離眾苦眾經撰禱譬喻經

財物危身猶如毒蛇無得貪著譬如昔日佛遊波斯

匿王國中見地有伏藏滿中寶物佛語阿難汝見是

毒蛇不阿難言已見時有人隨佛後行聞此語試往

看之見有好寶嫌佛此語謂為虛綺此實是寶而言

為毒蛇其人即時私將家人大小取此寶物其家大



富有人向王言之此人隨得寶藏而不輸官王即收  
繫責其寶物即時輸盡王故不信更多方拷治之痛

毒備至衆經撰襍 譬喻經

昔時有二獼猴王各主五百獼猴一王起嫉妬意欲  
殺一王規圖獨治便往共鬪數數不如羞慚退去到  
大海邊海曲之中有水聚沫風吹積聚高數百丈獼  
猴王愚癡謂是雪山語羣輩言久聞海中有大雪山  
其中快樂甘果恣口今日乃見吾當先到往行看視  
若審樂者不能復還若不樂者當來語汝於是上樹  
盡力跳騰投聚沫中溺沒海底餘者怪之不出謂必

大樂一一投中斷羣溺死法句譬喻經 卷三地獄品

如蠅墮蜜得味甚寡所失甚多無明羅 剎經

世間極渴無過於愛如飲鹹水逾增其渴飲有鹹水

逾增其愛無明羅 剎經

譬如愚人貪著好果上樹食之不肯時下人伐其樹

樹傾乃墮身首毀壞痛惱而死大智度論 卷十七

亦如網羅槎魚獸貪其味不見後苦患大莊嚴經 論卷二偈

曾聞舍衛國中佛與阿難曠野中行於一田畔見有

伏藏佛告阿難是大毒蛇阿難白佛是惡毒蛇爾時

田中有一耕人聞佛阿難說有毒蛇作是念言我當



視之沙門以何爲惡毒蛇卽往其所見真金聚而作  
是言沙門所言是毒蛇者乃是好金卽取此金還置  
家中其人先貧衣食不供以得金故轉得富饒衣食  
自恣王家策伺怪其卒富而糺舉之繫其獄中先所  
得金旣已用盡猶不得免將加刑戮其人唱言毒蛇  
阿難惡毒蛇世尊傍人聞之以狀白王王喚彼人而  
問之曰何故唱言毒蛇阿難惡毒蛇世尊其人白王  
我於往日在田耕種聞佛阿難說言毒蛇是惡毒蛇  
我於今者方及悟解實是毒蛇

大莊嚴經  
論卷六

諸獸墜穽陷皆由貪味故

大莊嚴經  
論卷七偈



喻林卷五十四

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 五十二

昧禍

昭公之朝其羣臣皆小人也徒整飾其衣裳不知國

之將迫脅君臣死亡無日如渠略然鄭氏箋

詩蟋蟀

人皆知暴虎馮河立至之害而無知當畏慎小人能

危亡也鄭氏箋

詩小旻



蜉蝣之小蟲朝生夕死不知已之性命死亡在近有此羽翼以自脩飾以興昭公之朝廷皆小人不知國將迫脅死亡無日猶整飾此衣裳以自脩潔毛詩正義將迫脅死亡無日猶整飾此衣裳以自脩潔毛詩正義禽獸被人所驅納於罟獲陷阱之中而不知違辟似無知之人為嗜欲所驅入罪禍之中而不知辟禮記正義

中庸

田華之為陳軫說秦惠王曰臣恐王之如郭君夫晉獻公欲伐郭而憚舟之僑存荀息曰周書有言美女破舌乃遺之女樂以亂其政舟之僑諫而不聽遂去因而伐郭遂破之又欲伐虞而憚宮之奇存荀息曰

周書有言美男破老乃遺之美男教之惡宮之奇宮之奇以諫而不聽遂亡因而伐虞遂取之戰國策秦惠文君

夫抱火厝之積薪之下而寢其上火未及燃因謂之安方今之執何以異此前漢書賈誼傳

安危亡於旦夕肆嗜慾於目前奚異涉海之失柁積薪而待燃後漢書文苑列傳

往車雖折而來軫方適後漢書左周黃列傳論

傳曰截趾適屨孰云其愚何與斯人追欲喪軀後漢書荀爽傳

淑子

馳驚覆車之轍探湯敗事之後後出益可怪晚發愈



唯木  
可懼耳

後漢書  
范升傳

四海為羅網天下為敵人舉足遇害動搖觸患履深淵之薄冰不為唬涉千鈞之發機不知懼何如其知

也

後漢書馮衍傳

國有露根之漸而莫之恤也

吳志陸凱傳

天子居綴旒之運人臣微覆餗之憂於是竊勢擁權

黷明王之彝典窮奢縱侈假凶豎之餘威繡桶雕楹

陵跨於宸極驪珍冶質充牣於帷房亦猶犬彘腴肥

不知禍之將及

晉書王湛列傳

獨不見羣蟲之處禪中逃乎深縫匿乎壞絮自以為

吉兆也行不敢離縫際動不敢出禪褱自以為得繩

墨也然炎丘火流焦邑滅都羣蟲處於禪中而不能

出也君子之處域內何異夫蟲之處禪中乎

晉書阮藉傳

高蟬處乎輕陰不知螳螂襲其後也

晉書王祥列傳

自謂勢擅狐鼠理隔熏掘

宋書謝晦傳

苟欲徇意於前途不覺坑穽在其側

北齊書文襄帝紀

商人用一布布不敢繼苟而讐焉必擇良者今士之

用身則不然意之所欲則為之厚者入刑罰薄者被

毀醜則士之用身不若商人之用一布之慎也

墨子貴義

楚莊王欲伐越杜子諫曰王之伐越何也曰政亂兵



弱杜子曰臣愚患之智如目也能見百步之外而不能自見其睫王之兵自敗於秦晉喪地數百里此兵之弱也莊躄為盜於境內而吏不能禁此政之亂也王之弱亂非越之下也而欲伐越此智之如目也王乃止故知之難不在見人在自見故曰自見之謂明

韓非子

喻老

孔子曰鷲爵爭善處於一屋之下母子相哺也區區焉相樂也自以為安矣竈突決上棟焚燕爵顏色不變是何也不知禍之將及之也不亦愚乎為人臣而免於燕雀之智者寡矣夫為人臣者進其爵祿富貴

父子兄弟相與比周於一國區區焉相樂也而以危其社稷其為竈突近矣而終不知也其與燕雀之智不異故曰天下大亂無有安國一國盡亂無有安家一家盡亂無有安身此之謂也故細之安必待大大之安必待小細大賤貴交相為贅然後皆得其所樂

呂氏春秋

避患東西反入禍門

焦氏易林 鼎之巽

欲避凶門反與禍隣

焦氏易林 艮之无妄

去安就危墜陷井池破我玉螭

焦氏易林 旅之剝

蜘蛛作網以伺行旅青蠅嚙聚觸我羅域

焦氏易林 未濟之蠱



鷗水鳥潮至則翔水嚮以為信反為鷺鳥所擊是知信而不知所以自害也

張華註禽經

鷓狀類鷺紺色錯出有文色水際伺蚌出啄啄食之反為蚌所持歿水中不知所食以為害

張華註禽經

根露基頽危猶巢幕而自比於天日擬固於泰山

抱朴

外篇君道

夫鳶不絰網鱗不罟弇相彼鳥獸猶知為患風塵之

徒曾是未吝也

杜子外嘉遼

夜鬪人船人必擠已於水也

莊子音義徐無鬼

顧非累卵於疊棋焉至觀形而懷怛

文選魏觀賦

坐積薪以待然方指日而比盛

文選西征賦

是由桓侯抱將歿之疾而怒扁鵲之先見以覺痛之

日為受病之始也

文選嵇叔夜養生論

將軍魚游於沸鼎之中鷺巢於飛幕之上不亦惑乎

文選丘希範與陳伯之書

安臥積薪日待焚熾

藝文類聚人部說

輕羽不高翔自用絃網羅織鱗惑芳餌故為釣所加

藝文類聚鱗介部螺

不安其昧而樂其明是猶夕蛾去暗赴燈而歿也

藝文

類聚蟲豸部蛾



櫻桃為樹則多陰為菓則先熟有蟬鳴焉聊命黏取  
退惟彼蟬之得意於斯樹不知黏之將至亦猶人之  
得意於富貴而不虞禍之將來也

事文類聚  
蟬傳咸賦

文王問曰人有大忘乎對曰大忘知其身之惡而不

改也以賊其身乃喪其軀有行如此之謂大忘

太平御覽

人事部  
迷忘

譬如猿猴跳躑恃便忽罹機辟自喪身本

無上內秘  
藏經妙德

譬如陸鳥愛其尾終為射夫之所得

靈寶自  
然妙經

如鵲鳥愛其尾尾為射獵者所得

四願經  
敬入

此羣牛本有千頭在外瞻守掌不牢固為虎惡獸所

見噉食歿者過半餘不覺知方相抵觸跳跟喚吼傷

其無智何乃甚哉

出曜經一  
無常品

猶如毒藥顏色成就香美且甘若人遇病而服此藥

咽喉通利入腹未久即喪命根

出曜經  
三欲品

猶如有人行過山險兩邊險峻閉眼而過不知身危

或致命終

出曜經  
入行品

以欲網自蔽以愛蓋自覆自恣縛於獄如魚入筍口

法句經  
愛欲品

世皆沒淵渺克度岸

法句經  
明哲品

喻木人事

卷五十四 昧禍

六



譬如倉蠅在蜜器中有人拔出心猶樂著以樂著故  
乃至喪命本緣經月  
光王品

昔有一人在路而行道中得一金鼠狠心生喜踊持  
置懷中涉道而進至水欲渡脫衣至地尋時金鼠變  
為毒蛇此人深思寧為毒蛇螫殺要當懷去心至冥  
感還化為金傍邊愚人見其毒蛇變成真寶謂為恒  
爾復取毒蛇內著懷裏即為毒蛇之所蜇螫喪身殞

命百喻經  
卷下

昔有屠兒有千頭牛養令肥好日殺一牛賣肉已殺  
五百牛餘有五百頭方共跳騰誼戲共相舐觸天尊

時入國見牛如此愍而捨去語諸弟子此牛愚癡伴

侶欲盡方共戲誼人亦如是阿育王譬  
喻經基一

如犖牛愛尾不惜身壽命大智度  
論卷四

譬如愚人見師子王饑時睡眠而欲寤之如人以指  
置毒蛇口如欲以手觸灰覆火法苑珠林  
卷五十五

### 禍原

洪範五行傳云視之不明時則有羽蟲之孽聽之不  
聰時則有介蟲之孽言之不從時則有毛蟲之孽貌  
之不恭時則有鱗蟲之孽思之不睿時則有倮蟲之

孽尚書正義  
高宗彤日



白華周人刺幽后也幽王取申女以為后又得褒姒

而黜申后毛詩白華

燎火方奮揚之時炎熾燹怒寧有能滅息之者以喻宗周方隆盛之時王業深固寧有能滅亡之者言此二者皆盛不可滅亡也然此燎雖熾盛而水能滅之則水為甚矣以興周國雖盛終將褒姒滅之則褒姒

惡甚矣毛詩正義正月

元殺羊食士其御羊斟不與及戰曰疇昔之羊子

政今日之事我為政與入鄭師故敗左傳宣公二年

有六氣降生五味發為五色徵為五聲淫生六疾

六氣曰陰陽風雨晦明也分為四時序為五節過則

為菑陰淫寒疾陽淫熱疾風淫末疾雨淫腹疾晦淫

惑疾明淫心疾左傳昭公元年

詩云燎之方陽寧或滅之赫赫宗周褒姒滅之前漢書谷

永傳

何寤青蠅飛於干旄無極游於二壘使股肱分為二

體背胸絕為異身魏志袁紹傳註

荆山鵲飛而玉碎隋岸蛇生而珠歿周書庾信傳

墻壞於其隙木毀於其節斯蓋其分也鬼谷子謀篇

辯慧亂之贊也禮樂淫泆之徵也慈仁過之母也任



譽奸之鼠也亂有贊則行淫泆有徵則用過有母則生姦有鼠則不止商子說民

肉腐出蟲魚枯生蠹怠慢忘身禍災乃作荀子勸學

輕慮重事厚誅薄罪久怨細過長侮愉快數以德追

禍是斷手而續以玉也故世有易身之患韓非子用人

有人自南方來鮒入而鯢居使人之朝為草而國為

墟呂氏春秋秋貴直

福生於無為患生於多慾害生於弗備穢生於弗耨

淮南子繆稱訓

昔者齊簡公釋其國家之柄而專任其大臣將相攝

威擅勢私門成黨而公道不行故使陳成田常鴟夷

子皮得成其難使呂氏絕祀而陳氏有國者此柔懦

所生也鄭子陽剛毅而好罰其於罰也執而無赦舍

人有折弓者畏罪而恐誅則因獬狗之驚以殺子陽

此剛猛之所致也淮南子汜論訓

使葉落者風搖之使水濁者魚撓之淮南子說林訓

魯季氏與郈氏鬪雞郈氏介其雞而季氏為之金距

季氏之雞不勝季平子怒侵郈氏之宮而築之故禍

之所從生者始於雞距淮南子人間訓

政有招寇行有招耻弗為而自至天下未有說苑談叢



卻大墻壞蠹衆木折

焦氏易林乾之大壯

怨重被燒忿怒生禍

焦氏易林恒之巽

陰作大奸欲君勿言鴻鵠利口發其禍亂

焦氏易林巽之中孚

上九竈滅其火唯家之禍測曰竈滅其火國之賊也

太玄經第四竈

不仁之質勝則伎力爲害器貪悖之性勝則強猛爲

禍梯

劉邵人物志八觀

車以喻君馬以喻臣言車覆者國君危也馬顛仆者

所任非人

王逸註楚辭九章

獨知猛雨之霑衣而不知雲氣之所作唯患飛埃之

糝目不覺颺風之所爲也

抱朴子外篇酒誡

平叔以黨曹爽見誅觸歿權之網也輔嗣以多笑人

被疾陷好勝之阱也

顏氏家訓務學

婦人爲政猶雌雞而代雄鳴是喪家之道也

前漢書註五行

志

不制之臣相與比周比周者宮隣金虎言小人在位

比周相進與君爲隣貪求之德堅若金讒詢之言惡

若虎也

李善註文選東京賦

蠹衆則木折隙大則墻壞不勝而生不敗而亡自古

及今未嘗有也

意林商君書



季孫行父禿晉郟克眇衛孫良夫跛同時而聘于齊  
齊使禿者迂禿者眇者跛者迂跛者蕭同叔  
子處臺上而笑之聞於客客不說而去相與立胥聞  
而語移日不解齊人有知之者曰齊之患自此始也

藝文類聚治  
政部奉使

百病之始生也必先於皮毛邪中之則腠理開開則  
入客於絡脉留而不去傳入於經留而不去傳入於  
府廩於腸胃邪之始入於皮也泝然起毫毛開腠理  
其入於絡也則絡脉盛色變其入客於經也則感虛  
乃陷下其留於筋骨之間寒多則筋攣骨痛熱多則

筋弛骨消肉爍腠破毛直而敗

黃帝素問內  
經皮部論

夫邪之客於形也必先舍於皮毛留而不去入舍於  
孫脉留而不去入舍於絡脉留而不去入舍於經脉  
內連五藏散於腸胃陰陽俱感五藏乃傷此邪之從  
皮毛而入極於五藏之次也如此則治其經焉今邪  
客入於皮毛入舍於孫絡留而不去閉塞不通不得  
入於經流溢於大絡而生奇病也

黃帝素問內  
經調經論

木之所傷也皆傷其枝枝之剛脆而堅未成傷也人  
之有常病也亦因其骨節皮膚腠理之不堅固者邪  
之所舍也故常為病也

黃帝素問靈  
樞經五變



言九級之臺起於一簣之士喻九夜之禍起乎一念

染心道德經註 疏卷六

冬極温而春有狂疫夏極涼而秋有瘧痢攝生養性論

罪莫大於淫禍莫大於貪咎莫大於讒此三者禍之

車小則危身大則危家養性延命錄教誠篇

重衣厚褥體不勞苦以致風寒之疾厚味脯腊醉飽

厭飫以致聚結之病美色妖嬈嬪妾盈房以致虛損

之禍淫聲哀音怡心悅耳以致荒耽之惑馳騁遊觀

弋獵原野以致發狂之失謀得戰勝兼弱取亂以致

驕逸之敗養性延命錄教誠篇

云何良醫善知病源謂良醫善知此病因風起痰癘

起涎唾起衆冷起因現事起時節起是名良醫善知

病源雜阿含經 卷十五

麤言利刀劔貪欲砮毒藥瞋恚熾盛火無明極重暗

天請問經當三

是老病歿常害衆生猶如果樹多人所擲本緣經持王子品

譬如惡雹傷害五穀亦如猛火焚燒乾草又如暴風

吹拔大樹又如師子殺害諸禽獸本緣經毘羅摩品

吾久知此五盛陰身為衆箭的本緣經毘羅摩品

芭蕉以實歿竹蘆實亦然駉驢坐姪歿士以貪自喪



法句經  
利養品

愛欲意為田姪怒癡為種法句經  
愛欲品

以姪樂自裏譬如蠶作繭法句經  
愛欲品

如木出火還自燒身若如芭蕉生實便枯如騾懷軀

還自危身脩行道地  
經慈品

猶鹿母初乳兒小逐母東西戀其子不能遠逝時師

子獸王審知鹿母不能離子時往搏撮鹿母子俱喪

所以然者以鹿母戀其子故師子得便出曜經四  
無放逸品

此六根者危如鷲巢亦如水泡又如初生癰不久當

潰無明羅  
刹經

是無明者於生歿曠路而作導首能燃生老病歿之

大火聚是諸煩惱結業之母閉涅槃門開眾惡趣能

作大形彌綸三界遍一切處放逸大頭疑結廣額幻

惑醜面邪念疱鼻邪見之日膜眼童子四倒掣電伺

怨報惡多毛耽耳欺誑詐偽深廣邃眉瞋恚忿戾以

為利牙貪欲醜惡作上麤唇嫉妬頑弊返唇下垂邪

命諂曲虛假矯稱貪嗜利養以為利齒六十二見以

為其髮三受饕餮以為長咽八邪疣贅以為肩臂諸

惡律儀以為長爪忍受結業以為兩乳不知狀足膝

脹洪大以為其腹睡悔深黑以為其臍多欲貪愛以



為陰尻十八諸界以為兩陛非法惡欲以為兩膝我  
 見人見以為脚足無慚大象垢穢濕皮以為衣服無  
 愧青惡汚膩麤褐以為其被坐結使牀眾結羅刹以  
 為侍從處彼煩惱諸惡羅刹大眾之中無明羅刹經

著欲之人亦如獄囚如鹿在圍如鳥入網如魚吞鈞  
 如豹搏狗如烏在鴟羣如蛇值野猪如鼠在猫中如  
 羣盲臨坑如蠅著熟油如停人在陣如斃人遭火如  
 入沸鹹河如舐蜜塗刀如四衢鬻肉如薄覆刀杖如  
 華覆不淨如蜜塗毒甕如毒蛇篋大智度論卷十七

養禍

紂與亡人為主亡人歸之若蟲之窟聚魚歸淵府獸

集藪澤言紂為大姦也尚書正義武成

始者信以彼管蔡之屬雖有流言之罪如鷦鳥之小  
 不登誅之後反叛而作亂猶鷦鳥之翻飛為大鳥也鄭氏

箋詩小苾

圃者所以殖菜蔬也杞非可食之物我有圃生之杞  
 以喻南蒯在費欲為亂也春秋正義昭公十二年

夫養稂莠者傷禾稼惠姦軌者賊良民後漢書王符列傳

猶種枳棘於良田養虺蛇於室內也後漢書段熲列傳

羌雖外患實深內疾若攻之不根是養疾疴於心腹



也後漢書西羌傳

養癰長疽自生禍殃後漢書馮衍傳

競令虎豹窟於麋場豺狼乳於春囿後漢書劉陶傳

是川瀆並決而莫敢之塞游積蹂稼而莫之楚也後漢書

書朱暉列傳註

驕縱吳楚養虺成蛇吳志孫權傳註

所謂獨坐窮山放虎自衛者也華陽國志

是使長蛇弗翦封豕假息晉書慕容德記

一令蔓草難鉏涓流泛酌豈直疥癢輕痾容為心腹

重患南齊書王融傳

養傅翼之飛獸子貪心之野狼北齊書文苑顏之推傳

何異於善砥鎔錮而子射子自禍必矣賈子新書藩傷

養虎牧狼還自賊傷焦氏易林訟之明夷

次入常疾不疾咎成不詰測曰常疾不疾不能自治

也太玄經第四常

夫性惡之民民之豺狼雖得放宥之澤終無改悔之

心潛夫論述赦

累之重乃易毀也舉之高乃易踣也以喻潛王驕亂

之甚乃易破也呂氏春秋行論解

起衆患於須臾結百痾於膏肓奔駟不能追既往之



悔思改而無自反之蹊抱朴子外篇酒誡

積薪若山縱火其下火未及燃一杯之水尚可滅也

及至火猛風起雖傾河海不能救也秦昭王是積薪

而縱火其下始皇然而方熾二世起風而怒也意林物理

論

若諸愚癡人無有善方便將火置於掌便為火所燒

大寶積經三十一

惡生於心還自壞形如鐵生垢反食其身法句經塵垢品

昔有一國五穀熟成人民安寧無有疾病晝夜伎樂

人無憂惱王問羣臣我聞天下有禍何類答曰臣亦

不見王便使一臣至於隣國求覓買之天神則化作

一人於市中賣之狀類如豬持鐵鎖繫縛賣之臣問

此名何等答曰禍母臣曰賣不答曰賣問索幾錢答

曰千萬問曰此食何等答曰食針一升臣便家家發

求覓針如是人民兩兩三三相逢求針使諸郡縣處

處擾亂百姓所在之處患毒無僚臣白王曰雖得禍

母致使民亂男女失業欲煞棄之未審許不王言大

善便於城外將殺刺硬不入斫則不傷割而不死積

薪燒之身赤如火便走出去過里燒里過市燒市入

城燒城入國燒國擾亂人民饑餓困苦坐由馱樂買



禍所致苦也此喻女色欲火所燒男女貪毒至死不  
知苦也法苑珠林卷四十六

寡效

譬如醫之藥人之有病者然今有醫於此和合其藥  
於天下之有病者而藥之萬人食此若醫四五人得  
利焉猶謂之非行藥也故孝子不以食其親忠臣不  
以食其君墨子非攻中

嗾囁喙曜昧冥相持多言少實語無成事焦氏易林謙之乾

掘井得石勞而无功焦氏易林明夷之革

譬如假穀於夷齊之門告寒於黔婁之家所得者不

過據粟緼褐必無大牢之饕錦衣狐裘矣抱朴子內篇祛惑

爲者如牛毛獲者如麟角也抱朴子內篇極言

夫衣無蔽膚之具資無謀夕之儲而高談陶朱之術

自同猗頓之策取譏論者其理必也抱痼疾而言精

和鵠之伎屢奔北而稱究孫吳之筭人不信者以無

效也抱朴子內篇微旨

徒聞振翅竦身不能凌厲九霄騰蹕玄極攸敘彞倫

者非英偉也抱朴子外篇嘉遯

居有事之世而耻爲權謀譬猶鑿地抱甕難以求富

嗟乎子羽何異牢檻之熊深窞之虎石間餓蟹竈中



之鼠事力雖多而見功甚少

廣文選張敏頭責子羽文

雖榮華熠熠無結秀之効終年之勤無一日之功

藝文

類聚人部 鑒誠誠

徒誓蠶管之誠終沈熒爝之用

藝文類聚職官部太守表

遂日奉羈勤有事風塵徒備鳥背之毛曾無馬筆之

力 藝文類聚職官部司徒表

効闕淚河功慙汗海

藝文類聚職官部尚書令表

生亂

白華於野已漚名之為菅菅柔忍中用矣而更取白

茅收束之茅比於白華為脆喻王取於申申后禮儀

備任妃后之事而更納褒姒褒姒為孽將至滅國

鄭氏

箋詩 白華

白雲下露養彼可以為菅之茅使與白華之菅相亂

易猶天下妖氣生褒姒使申后見黜

鄭氏箋詩白華

青黃黻黼文章之觀盡而五色渝宮徵還激生生之

聲足而入音汨陸有纒罫水有網罟而飛羽伏鱗無

以幸其生矣 子華子陽城胥渠問

夫水積則生相食之魚土積則歿自穴之獸禮義飾

則生偽匿之本夫吹灰而欲無昧涉水而欲無濡不

可得也 淮南子齊俗訓

命木 人事 卷五十四 生亂



神農之初作琴也以歸神及其淫也反其天心夔之  
初作樂也皆合六律而調五音以通八風及其衰也  
以沈湎淫康不顧政治至於滅亡蒼頡之初作書以  
辯治百官領理萬事愚者得以不忘智者得以志遠  
至其衰也爲奸刻僞書以解有罪以殺不辜湯之初  
作圖也以奉宗廟鮮犄之具簡士卒習射御以戒不  
虞及至其衰也馳騁獵射以奪民時罷民之力堯之  
舉禹契后稷臯陶政教平姦宄息獄訟止而衣食足  
賢者勸善而不肖者懷其德及至其末朋黨比周各  
推其與廢公趨私外內相推舉姦人在朝而賢者隱

處

淮南子  
泰族訓

使民居處相司有罪相覺於以舉姦非不掇也然而  
傷和睦之心而構仇讐之怨故事有鑿一孔而生百  
隙樹一物而生萬業者所鑿不足以爲便而所開足  
以爲敗所樹不足以爲利而所生足以爲穢淮南子  
泰族訓  
太上空市其次不偷竊其次不掠奪上以功惠綏民  
下以財力奉上是以上下相與空市則民不與民不  
與則爲巧詐而取之謂之偷竊則民備之備之而不  
得則暴迫而取之謂之掠奪民必交爭則禍亂矣申  
鑿

政體



言車載衆輕之物以折其軸而不可乘其過咎由重  
索雜載衆多之故也以言國君聽用羣小之言則壞  
敗法度而自傾危也王逸註楚辭七諫  
蜜網裁而魚駭宏羅制而鳥驚陶靖節集賦

喻林卷五十五

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 五十三

敗成

九四田無禽易恒

上六不明晦初登于天後入于地象曰初登于天照

四國也後入于地失則也易明夷

上六女承筐无實士刲羊无血无攸利易歸妹

命木人事

卷五十五 敗成

王承賢書



未濟亨小狐汔濟濡其尾无攸利

易未濟

初九曳其輪濡其尾无咎

易既濟

池之竭矣不云自頻泉之竭矣不云自中

叶諸仍反  
詩大雅

召旻

流離鳥也少好長醜始而愉樂終以微弱

毛詩旄丘註

衛之諸臣初有小善終無成功似流離也

鄭氏箋詩旄丘

瑣兮而少尾兮而好者乃流離之子也此流離之子

少而美好長即醜惡以興衛之諸臣始而愉樂終以

微弱言無德自將不能常為樂也

毛詩正義旄丘

士刳羊亦無益也女承筐亦無貺也

左傳僖公十五年

夫其敗也如日月之食焉何損于明

左傳宣公十二年

狐狸之而狐搢之是以無成功

國語吳

亾國之臣不敢語政敗軍之將不敢語勇

吳越春秋勾踐入臣

外傳

百年累之一朝毀之豈不惜乎

後漢書竇融列傳

敗材傷錦所宜至慮

後漢書劉玄列傳

初升高岡終隕幽壑朝含榮潤夕為枯魄

蜀志郤正傳

用使金暉絕于中天神轡輟于促路

晉書赫連勃勃記

椎蘆作蘧蔕不成文章

晉書符堅下記

所得未毛銖所喪如山崖

晉書祈嘉傳



構厦止於尺土為山頓於一簣魏書源賀子恭傳

築十仞之城城者既十仞矣則又壞之此胥靡之所

苦也莊子則陽

烹牛以饗其里而罵其東家母德不報而身見殆淮南

子說山訓

臨菑之女織紉而思行者為之悖戾室有美容繒為

之纂繹淮南子說林訓

鷓飛中退舉事不進焦氏易林乾之兌

弊筍在梁魴逸不禁漁父勞苦連室乾口焦氏易林坤之履

多載重負捐棄于野焦氏易林屯之恒

樹栽藿豆為鹿兔食君不慎護秋無收入焦氏易林屯之歸妹

黍稷禾稼垂秀方造中旱不雨傷風枯槁焦氏易林需之艮

機杼騰擾女巧不成焦氏易林訟之渙

魃為蓄虐風吹雲却焦氏易林小畜之中孚

鷹逐雉兔爪折不得焦氏易林履之大有

老妾踞機緯絕不知女功不成冬寒無衣焦氏易林否之中孚

大車難駕兩引如繩馬奔山後輪脫不行焦氏易林同人之賁

羊子逐兔犬蹄不得焦氏易林謙之既濟

螟蟲為賊害我稼穡盡禾殫麥秋無所得焦氏易林豫之謙

衣成無關不知所穿焦氏易林豫之離



搏鳩彈雀獵兔山北丸盡日暮失獲無得焦氏易林

割羊不當血少無羹女執空筐不得採桑焦氏易林

舍車而徒亾其駁牛焦氏易林

蹇驢不才駿驥失時筋力勞盡罷於沙丘焦氏易林

黍稷禾稻垂畝方好中旱不雨傷風病槁焦氏易林

跨牛傷暑不能成畝草萊不墾年歲無有焦氏易林

織縷未就針折不復女工多態亂我政事焦氏易林

釣鯉失綸魚不可得焦氏易林

毀盤破盆棄其飯食焦氏易林

棟橈榱壞廊屋大敗宮闕空廊如冬枯樹焦氏易林

設網張羅捕魚園池網罟自決雖得復失焦氏易林

早霜晚雪傷害禾麥損功棄力饑無所食焦氏易林

登高傷軸上阪棄粟焦氏易林

播輪折輻馬不得行焦氏易林

畜牝無駒養雞不雛焦氏易林

織組无文燒香不芬焦氏易林

桑蠶不得女功無成焦氏易林

兔聚東郭衆犬俱獵圍缺不成無所能獲焦氏易林

上政搖擾蟲螟並起害我嘉穀季歲無稷焦氏易林

往來井上破甕壞盆焦氏易林



置筐失筮輪破無輔

焦氏易林萃之蒙

緣山升木中墮於谷

焦氏易林困之大壯

羅張目列圍合月缺採捕無功魚鳥得脫

焦氏易林鼎之同人

下田陸黍萬華生齒大雨霖集波病潰腐

焦氏易林兌之履

夏麥麩麩霜擊其芒

焦氏易林歸妹之鼎

牀傾竇折屋漏垣缺

焦氏易林旅之同人

次八車不拔驪

并弭切

軸折測曰車不拔躬自賊也

太玄

經第一

上九倉靈之雌不同宿而離失則歲之功乖測曰倉

靈之雌失作敗也

太玄經第一辰

上九務成自敗雨成自隊測曰務成自敗非厥命也

太玄經第二務

上九紅蠶緣于枯桑其繭不黃測曰緣于枯桑蠶功

敗也

太玄經第六將

患乎升勺之利未堅而鍾石之費相尋根移之據未

極而冰霜之毒交攻

抱朴子內篇極言

宋氏引苗郢人張革誠欲其快而實速萎裂知進忘

退斯之以乎

抱朴子外篇知止

東海人黃公少時能幻制蛇御虎韋佩赤金刀及衰

老飲酒過度有白虎見於東海以赤刀往厭之術不



行遂為虎所食

李善註文選西京賦

將覆簣於浚谷擠為山乎九天

文選陸機弔魏武帝文

中駕每傾輪當騫復

集作輒

摧翼

文苑英華吳均行邁一詩

譬如池有蓮華光色鮮榮芬芳可愛忽值天電一時

零落

元暢妙經卷一

譬如盲人捉雀入手復去

靈寶通微經

譬如有人先未曾有末尼珠寶後時遇得深自欣慶

珍玩無厭歛爾亡遺常懷慨歎

波羅蜜多經卷三百三十五

譬如闇室燈油盡故明滅

大寶積經卷七十一

譬如摩尼寶珠墮不淨中不可復著

大寶積經卷一百一十二

譬如士夫入慈室藏以明月珠置于髻中醉酒臥寐

不自唯省寤忘明珠不知所在

法華經卷五

譬如有人入於大海至寶渚中多取寶物置于船上

欲度大海於中沉沒

蓮華面經卷上悲六

譬如有人從高樓下乘於大象下象乘馬下馬乘輿

下輿坐床下床墮地從地落坑

雜阿含經卷四十二

譬如稻田禾稼粗熟而有惡露災氣則令善穀傷敗

中本起經比丘品

譬如世間所有臺觀若一中心不善覆蔽則椽梁壁

皆被淋漏以椽梁壁被淋漏故皆悉敗壞

本事經卷五



又如苦瓠青未成熟人所斷取而彼枝葉尋即萎悴

漸次枯弱後乃乾合

身毛喜豎經下

譬如象洗其身沐浴適淨復卧土

脩行道地經慈品

如暴秋中暑無所能成熟

脩行道地經慈品

譬如師治箭矢墮火燒之安能使其箭成就而可用

脩行道地經慈品

譬如利刀人所愛敬恒自防備不離其身中便忘誤

安置不牢便生塵垢本鐵不存追惟此刀乃無有價

一朝壞敗不可任用

出曜經八行品

猶如淨鐵及明淨鏡瑩治淨潔無有塵垢然其人藏

隱不牢或在土中或在溼地便生重垢觸便碎散不

任本用

出曜經八行品

昔有一人有二百五十頭牛常驅逐水草隨時餒食

時有一虎噉食一牛爾時牛主即作念言已失一牛

俱不全足用是牛為即便驅至深坑高岸排著坑底

盡皆殺之凡夫愚人亦復如是受持如來具足之戒

若犯一戒不生慚愧清淨懺悔便作念言我以破一

戒歸不具足何用持為一切都破無一在者

百喻經卷上

昔有一小兒陸地遊戲得一大龜意欲殺之不知方

便而問人言云何得殺有人語言汝但擲置水中即



時可殺爾時小兒信其語故即擲水中龜得水已即  
便走去百喻經卷下

譬如清涼池而有毒蛇不中澡浴亦如好花果樹而

多逆刺大智度論卷十三

初若登天光被俗表末如入淵明夷輝淪弘明集難夷夏論

無及

處罰之極惡積不改者也罪非所懲故刑及其首至

于滅耳及首非誠滅耳非懲凶莫甚焉王弼注易噬嗑

棄女車輔則墮女之載乃請長者見助以言國危而

求賢者已晚矣鄭氏箋詩正月

若不早圖後君噬臍其及圖之乎左傳莊公六年

禍敗日深如火之燎原其可救乎晉書王接傳

然鞭短勢殊恐無所及晉書姚泓記

覆水不收悔將何及晉書慕容容超紀

魚以泉涸而煦末鳥因將死而悲鳴梁書任昉傳

固機發而後思圖車覆而後改躅改之無及故狡兔

失穴思之在後故逆鱗易觸魏書常景傳

恐拯溺遲于援手救經緩於扶足待越人之舟楫求

魯匠之雲梯則必懸于槁樹之枝沒於深淵之底矣

隋書王孝籍儒林傳

無及



詩曰涓涓源水不離不塞轂已破碎乃大其輻事以

敗矣乃重太息其云益乎荀子子道篇

寡人所謂饑而求黍稷渴而穿井者未嘗能以歡喜

見子今國事急百姓恐懼願藉子大夫使齊說苑善說

譬之猶渴而穿井臨難而後鑄兵雖疾從而不及也

說苑雜言

言君信任佞諛不慮艱難卒遭憂患然後乃覺若放

火於秋蒿不可救制也王逸注楚辭七諫

明侯此時不以誕告諸侯靖寧國步以為功首至於

肝腦塗函谷麋鹿棲銅駝乘輿蒙沙而中原流於左

衽然後圖之是猶火既及薪而後覓井以救不亦鈍

乎天祿閣外史尊王

夫隨覆車之軌追陷溺之後以赴其前何及之有武侯

十六策思慮

孝子之養親病也未死之時求卜迎醫冀禍消藥有

益也既死之後雖審如巫咸良如扁鵲終不復生何

則知死氣絕終無補益王充論衡薄葬篇

恃藏疾之大言忘膏肓之近急何異焦喉之渴切身

而遙指滄海於萬里之外滔天之水已及而方造舟

於長洲之林安得免夸父之禍脫淪水之害哉抱朴子外



篇用刊

犀象珠玉無足而至自萬里之外定傾之器能行而  
淪乎四境之內二豎之疾既據而募良醫棟橈之禍  
已集而思謀夫何異乎火起乃穿井覺饑而占田哉

抱朴子外  
篇貴賢

不與智者共其安而望有危而見救不與奇士同其

歡而欲有戚之見恤猶災火張天方請而於名山洪

水凌空而伐舟於東閩不亦晚乎  
抱朴子外  
篇黃譬

宿不樹惠臨難而施恩本不防萌害成而修慎是以

臨渴而穿井方饑而植禾雖疾無所及也  
劉子  
言苑

此甘餐毒藥戲猛獸之爪牙也所從來者至深遠淹

滯永久而不廢雖令扁鵲治內巫咸治外尚何及哉

文選枚  
乘七發

害成於微而救之於著故有無功之治  
文選嵇叔  
夜養生論

臨死修善於計已晚事迫乃歸於救已微  
意林周  
生烈子

離憂患而乃寤今若縱火於秋蓬  
楚辭東方  
朔初放

惠子家窮餓數日不舉火乃見梁王王曰夏麥方熟

請以割子可乎惠子曰施方來遇羣川之水長有一

人溺流而下呼施救之施應曰吾不善游方將為子

告急於東越之王簡其善游者以救子可乎溺人曰

介木人事一  
卷五十五無及



我得一瓢之力則活矣子方告急於東越之王簡其善游者以救我是不如求我於重淵之下魚龍之腹矣

太平御覽 人事部 餓

夫病之始生也極微極精必先入結於皮膚今良工皆稱曰病成名曰逆則鍼石不能治良藥不能及也

黃帝素問內經 湯液醪醴論

昔有貧人在路而行道中偶得一囊金錢心大喜踊即便數之數未能周金主忽至盡還奪錢其人當時悔不疾去懊恨之情甚為極苦

百喻經 卷下

譬如鹿未被箭時不知怖畏既被箭已踔圍而出

大智

度論 卷九

譬如屋被燒竟更求水救之

如實論 華二

### 莫振

枯槁之楊被拯纔得生華何可長久尋當衰落也

周易

正義 大過

天之用楚如人用五材力盡而救救則棄之是以無

救助之者

春秋正義昭公十有一年

三柝之起本根既朽枯楊生華曷惟其舊

前漢書 敘傳下

若膏肓之疾長桑不治體府之病陽慶弗理

宋書顧凱之傳

根未及植葉已先枯

南齊書東昏侯本紀



朽根倒樹花葉落去卒逢火焱隨風偃仆焦氏易林屯之坎

跨牛失角下山傷軸焦氏易林屯之損

晉平有疾迎醫秦國病乃大怒分爲兩豎逃匿肯上

伏于膏下和不能愈焦氏易林需之巽

削根燒株不生肌膚病在心腹日以焦枯焦氏易林師之益

臺老衰去箴石不祐焦氏易林同人之履

花燈百枝消暗衰微精光訖盡奄有灰靡焦氏易林隨之大

聾聵闇盲跛倚不行焦氏易林咸之夬

老河空虛舊井無魚焦氏易林遯之井

亂憂並作姦邪充塞雖有百堯顛不可救焦氏易林家人之履

上九僣僣天撲顛測曰僣僣之樸終不可治也太玄

經弟二條

時當亂也堯舜用術不能立功命當死矣扁鵲行方

不能愈病王充論衡定賢篇

譬猶入水之燼火滅而煙不即息既斷之木柯葉猶

生二者非不有煙非不有葉而其所以爲煙爲葉者

已先亾矣抱朴子內篇極言

人有復病難可醫治須與則死海空智藏經持誡品

譬如猛火燒焚枯木亦如芭蕉逢於霜電海空智藏經持誡品

譬如敗種種已先滅滅即無牙大乘妙林經



譬如朽敗不可令堅猶如巨石墜千丈坑難可逆上

玉清經明威真人威邪品

患源斯作疾用醫方倍功療治猶不能愈

玉清經明威真人威

邪品

猶如瓦礫一破之後不可更合

玉清經通濟幽冥品

譬如春雨是物皆潤獨有枯木而不受洽縱不潤者

益其朽爛終不能生枝葉花果

玉清經通濟幽冥品

譬如有人年百二十老耄衰朽又加眾病所謂風病

熱病痰病或三雜病是老病人頗從牀座能自起不

設有扶令起立亦無力行一俱盧舍二俱盧舍三俱

盧舍所以者何老病甚故

波羅密多經卷一百一十二

如斷多羅樹畢竟不復生何有智慧人於中求果實

大寶積經卷二十九

譬如酥油為火所燒無有遺餘

大寶積經卷七十三

如樹枯朽火從內起根本既燒枝葉亦盡

大乘大方等日藏經

卷一

譬如鳥翮入火則卷不可舒展

雜阿含經卷十八

譬如火滅以灰覆之若持枯草及乾牛屎積著其上

手觸足踏無所能燒而不成熟所以者何無所堪任

修行道地經分別行相品

喻林

人事

卷五十五 莫振

三



沉溺於世根猶朽車沒泥不能自拔濟修行道地經集散品

如雪聚得火疾而為解釋內身觀章句經令十

譬如雪山日光所照悉皆融消無有遺餘阿育王經偈七

如敗軍將怖懼失瞻視彼敵人皆謂勇士三昧法門經卷下

譬如有人自斷其頭時有一人持以良藥所謂摩叱

迦良藥虞尼那縛良藥竭哩多嚕良藥帶梨那縛良

藥如是等良藥塗所斷頭其何能活正法經卷一

譬如疽瘡無不痛時若以藥塗可得少差而不可得

愈大智度論卷六

譬如必死之病雖有良醫神藥不能救濟大智度論卷五十八

猶如病者大醫不治其餘少醫無能治者大莊嚴經論卷十

世間縛著沒於眾苦譬如老象溺泥不能自出遺教經論

離十

與將隕之疾饋藥不服流矢通中忍痛不拔要求矢

藥造構之始以致命絕夫何異哉弘明集明佛論

譬如有人墮在糞坑全身沒入無髮可拔法苑珠林卷九十

禍及

九三需于泥致寇至象曰需于泥災在外也易需

初二剝牀民所以安未剝其身也至四剝道濡長牀

既剝盡以及人身王弼注易剝

亦木人事卷五十五 禍及



辨謂牀身之下牀足之上足與牀身分辨之處也今  
剝落侵上乃至於辨是漸近人身故云剝牀以辨也

周易正義

諸侯以國相連屬憂患相及如葛之蔓延相連及也

毛詩注

魚在於沼池之中爲人所驚駭不得逸遊亦非能有  
樂退而潛處雖伏於深淵之下亦甚於炤炤然易見  
不足以避網罟之害莫知所逃也以興賢者在於朝  
廷之上爲時所陷害不得行道意非能有樂退而隱  
居雖遁於山林之中又其姓名聞徹不足以避苛虐

之政莫知所逃

毛詩正義正月

言山有此美善之草矣其生也維在梅在栗之下人  
往取其梅栗之實則蹂踐害此美草使不得蕃茂以  
興國中有此貧弱之民矣其居也維在富人之傍上  
多賦斂富人財盡則又并賦此貧弱使之不得生育  
俱受困窮

毛詩正義四月

樹木將欲顛仆傾拔之時其根揭然而見此時枝葉  
未有折傷之害而根本實先斷絕但根本既絕枝葉  
亦從而絕以喻王位將欲傾覆喪亡之時而其勢微  
弱而危此時羣臣未有死亾之害而王身實先誅滅



王身既滅羣臣亦隨之而滅毛詩正義

歲星客在玄枵惟衝鶉火而鶉亦有咎者蓋以歲

星漸西衝則漸東尾之於鳥猶走一身故衝其身而

及其尾春秋正義襄公二十八年

安有巢毀而卵不破乎後漢書融列傳

和鸞未調而身在轅側庭宇未毀而棟折椽覆蜀志

傳

天收其精地縮其澤人弔其躬鬼芟其頷蜀志郤正傳

恐霜威一震玉石俱摧晉書索靖傳

譬縣厨之獸如離繳之鳥將充庖鼎以餌鷹鷂梁書王僧

孺傳

宋桓司馬有寶珠抵罪出亾王使人問珠之所在曰

投之池中於是竭池而求之無得魚死焉此言禍福

之相及也呂氏春秋必已

適啓其口七首已陷於胸矣賈子親疏危亂

雖以獲功見封猶食毒肉愉飽而罹其咎也鹽鐵論非鞅

脣亾而齒寒河水崩其懷在山說苑談叢

盜憎主人民愛其上有愛好人者必有憎妬人者夫

子好直言枉者惡之禍必及身矣列女傳周列國晉伯宗妻

大蛇當路使我畏懼湯火之災切近我膚焦氏易林屯之井



雙鳧俱飛欲歸稻池經涉萑澤為矢所射傷我胸臆

焦氏易林屯之旅

暗旦乘車履危蹈溝亾失裙襦摧折兩軸焦氏易林需之革

狼虎所嗥患害必遭焦氏易林噬盜之履

鵠求魚食道遇射戈繒加我頸繳縛兩翼欲飛不能

為羿所得焦氏易林剝之革

蚍蜉戴盆不能上山脚摧跛蹶損傷其頭焦氏易林復之萃

履蛇躡虺與鬼相視驚恐失氣如騎虎尾焦氏易林坎之觀

中夜狗吠盜在廬外焦氏易林遯之升

狼虎所宅不可以居為我患憂焦氏易林明夷之謙

登山伐輻虎在我側焦氏易林蹇之中孚

裹糗荷糧與跖相逢欲飛不得為罔所獲焦氏易林旅之恒

匠卿操斧豫章危殆焦氏易林小過之師

次七乘火寒泉至測曰乘火泉至禍不遠也太玄經第三盛

且王不見夫鸛之追雀乎翔薄干霄際而下視其雀

雀仰觀其鸛之追也而伏于岩垣之側鸛乃垂翼而

下之有蛛網張於岩垣涉之而敝是鸛欲捕其雀也

非為其蛛網也而固涉焉是鸛也實有捕蛛之名鸛

又何辭乎由此觀之胡虜鸛也王室雀也晉國蛛網

也寇王室而及晉不猶捕雀而及蛛乎天祿閣外史防胡



俯無鱗以遊遁仰無翼以翻飛曹子建臨觀賦

夫藏多者亾厚好謙者忌盈含夜光者速剖循覆車

者必傾過載者沈其舟慾勝者殺其生抱朴子外篇安貧

陵九折於邛熨泛衝波於呂梁傾側成於俄頃性命

哀而莫救廣文選傳季友演慎論

豈見覆巢之下復有完卵乎世說新語

今猶俎上腐肉任人膾截耳世說新語方正

但恐革車之所轡轢劍騎之所蹂踐椅梓於焉傾折

竹箭以此摧殘藝文類聚雜文部檄文

嚴霜之零無所不肅長林之斃無所不標是以楚塹

既填遊魚無託吳宮已火歸燕何巢文苑英華庚信連珠

本畏車輪折翻嗟馬骨傷文苑英華江物行邁一詩

周書曰魚龍成則藪澤竭藪澤竭則蓮藕掘爾雅翼芙蓉藻

福禧出門妖孽入戶天網以發不可解之也道德經指歸卷八

如置火在乾蘆草舍樓堂臺觀亦被焚燒達磨法蘊足論多界

譬如入賊中行不自慎護為賊所得大智度論卷十

滋甚

言天既終日風且其間又有暴疾以興州吁既不善



而其間又有甚惡毛詩正義終風

天既終日風且又有暴甚雨土之時以興州吁常為

不善又有甚惡恚怒之時毛詩正義終風

天既終日風且復陰而暄不見日光矣而又暄以興

州吁既常不善且復怒而甚不見喜悅矣而又甚毛詩

正義終風

言四月已漸暑至六月乃暑極以興王初即位雖為

惡政矣未甚酷至于今乃極酷也毛詩正義四月

豕性本自能水又加以滂沱之雨是豕彌得性益難

禁制以喻荆舒本自好叛加以王之不善是彼彌得

志益難咸服毛詩正義漸漸

以貴戚廢錮當復以貴戚浣濯之猶解醒當以酒也

後漢書第五倫列傳

蜂目彌彰梟聲無改陳書留異傳

火既熾矣更負薪以促之數既窮矣又為惡以促之

欲求大厦不燔延期過曆不亦難乎北齊書幼主帝紀

狼子之心出而彌野隋書高祖下帝紀

以火救火以水救水名之曰益多莊子人間世

里人有病里人問之病者能言其病然其病病者猶

未病也若越之聞大道譬猶飲藥以加病也莊子庚桑楚



惜乎惠施之才駘蕩而不得逐萬物而不反是窮響以聲形與影競走也莊子天下

其國亂弱矣又皆釋國法而私其外則是負薪而救

火也亂弱甚矣韓非子有度

止言以言止事以事譬猶揚堞而彌塵抱薪而救火

流言雪汙譬猶以涅拭素也淮南子說山訓

以詐應詐以譎應譎若披蓑而救火毀瀆而止水乃

愈益多淮南子說林訓

病熱而強之餐救暍而飲之寒救經而引其索拯溺

而授之石欲救之反為惡淮南子說林訓

求白潔而益其垢猶抱石以救溺愈不濟矣孔叢子陳士義

城愈高而衝愈巧池逾深而梯逾妙法令明而盜賊

多盟約數而叛亂甚猶風波駭而魚鼈擾於淵織羅

密而羽禽躁於澤豺狼衆而走獸劇於林爨火猛而

小鮮糜於鼎也抱朴子內篇明本

真君建德之事適足推波助瀾縱風止燎爾文中子問易

炙鼓使鳴絞絃令悲實能鼓速穿絃早絕意林抱朴子

可謂吞冰療寒揚湯止沸藝文類聚人部說

將軍平日與攀無郤而欲殺之者但恐其為蜂蠆耳

今攀以去而尚拘閉其家以情推之其念為毒螫必



滋甚矣

藝文類聚寶玉部金

風雨之傷人也先客於皮膚傳入於孫脉孫脉滿則傳入於絡脉絡脉滿則輸於大經脉血氣與邪并客於分腠之間其脉堅大故曰實實者外堅充滿不可按之按之則痛

黃帝素問內經調經論

風者百病之長也今風寒客於人使人毫毛畢直皮膚閉而為熱當是之時可汗而發也或痺不仁腫痛當是之時可湯熨及火灸刺而去之弗治病入舍於肺名曰肺痺弗治肺即傳而行之肝病名曰肝痺當是之時可按若刺耳弗治肝傳之脾病名曰脾風當

此之時可按可藥可浴弗治脾傳之腎病名曰疝瘕當此之時可按可藥弗治腎傳之心病筋脉相引而急病名曰瘵當此之時可灸可藥弗治滿十日法當

灸

黃帝素問內經玉機真藏論

如負乾草而欲救火又如愚人抱疾避病亦如童稚

奔走避影

玉清經通濟幽冥品

譬如惡狗以苦膽灌鼻彼狗倍生凶惡心不

大寶積經卷二

如世間以火滅火以毒治毒

佛本行集經卷五十七

譬如大火投之乾薪其燄轉更倍常增多

本緣經龍品

倍更增益瞋恚猶如膏油投之猛火

本緣經月光王品



猶如猛火投之膏油膏油既至倍復熾然亦如毒藥  
投生血中其力則盛譬如渴人飲於鹹水如秋增熱

春多洩唾 本緣經月 光王品

如酥注火倍增熾劇 無明羅 利經

姪人行慈益癡悶如人冷病服冷藥 三昧法門 經卷下

瞋人觀惡增恚心如人熱病服熱藥 三昧法門 經卷下

譬如重病之人雖有眾藥療之無損藥復作病 大智 度論

卷九 十四

有一人於行路側作小苦行若有人時卧棘刺上若  
無人時別居餘處有人見已而語之言汝今亦可徐

卧刺上何必縱體傷毀甚多此人聞已深生瞋忿放

身縱體投棘刺上轉劇於前時有一優婆塞在其傍

立是苦行者見已自擺轉復增劇優婆塞即語之言

汝於前者但以小刺今復乃用瞋恚之棘而以自刺

先所刺者傷毀甚淺貪瞋之刺乃為深刺卧棘刺者

苦止一世貪瞋刺苦及無量身以刺刺身此瘡易滅

貪瞋刺瘡歷劫不差是故宜速除深毒刺 大莊嚴經 論卷二

如似疥搔瘡搔之痒轉增 大莊嚴經 論卷七 傷人也

夫日月麗天而瞽者莫覩其明雷電震地而聾者不

聞其響是誰之過與而方欲議宮商之音篋文章之



觀真過之甚者弘明集釋駁論

夫日以累天而暮者莫時其日官宦家也

或如衣冠楚楚之執轉曾論卷一

貪黷陳奮盤詰不差是姑宜喪制采毒陳論卷二

苦此一冊貪黷陳苦又無量良以陳陳良此奮是

心祖陳昔對選甚矣貪黷之陳以為采陳相棘陳昔

或然前昔即以小陳今對以用無恙之棘而以自陳

立吳苦行昔良日自躡轉對以懷憂憂塞唱喏之言

良巒巒對棘陳土轉懷於前却有一對憂塞至其

相陳行一回必巒巒對選甚矣此大聞日采主與余

喻林卷五十六

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 五十四

必敗

不利涉大川入于淵也易訟

上六濡其首厲象曰濡其首厲何可久也易既濟

以小人之身過而弗遇必遭羅網其猶飛鳥飛而无

託必離矰繳周易正義小過

喻林人事門 卷五十六 必敗 梅逢暘書



王行既可哀傷又將至於傾危猶商人涉路既有疲勞又將困於陰雨商人之遇陰雨則有泥陷之難王行之至傾危必有滅亡之憂毛詩正義正月

周將亡如心星之光耀見於魚笱之中其去須臾也

鄭氏箋詩茗之華

王自絕於天如泉水之流稍就虛竭鄭氏箋詩抑

厚而無基必自崩喻眾所不附將自敗也春秋正義隱公元年

幽王敗亂周之法度猶毀壞高山以為魁陵糞土殘

絕川藪以為溝瀆無有悛止之時國語解周下單穆公

夫以一縷之任係千鈞之重上懸無極之高下垂不

測之淵雖甚愚之人猶知哀其將絕也馬方駭鼓而

驚之係方絕又重鎮之係絕於天不可復結隊入深

淵難以復出前漢書枚乘傳

雖有孫吳將賁育士若入水火往必焦沒知勇亾所

施前漢書西南夷傳

炎炎燎火亦允不陽前漢書敘傳述成紀

牆隙而高其崩必疾也後漢書折像傳

袁紹孤客窮軍仰我鼻息譬如嬰兒在股掌之上絕

其哺乳立可餓殺後漢書袁紹列傳

若魚遊釜中喘息須臾間耳後漢書張皓列傳



猶冰霜見日必至消滅後漢書劉陶謝傳

猶舉函牛之鼎絰纖枯之末詩人所以眷然顧之潛

焉出涕者也後漢書劉陶謝傳

以張將軍之眾當百萬之師猶以小雪投沸湯雖欲

戮力其勢不全也後漢書張宗列傳

鑊中之魚火熾湯盡當悉焦爛後漢書應奉傳註

則羣逆冰摧不俟朱陽之耀若秋霜隕稗豈待勁風

之威晉書姚興上傳

想來逆者當前行一尺却行一丈晉書長沙王文傳

螳蛄微命擬雷霆之衝已枯之葉當霜颯之隊宋書孔凱

傳

猶勁颯之拂細草烈火之掃寒原焦卷之形昭然已

著宋書鄧琬傳

雖窮鳥必啄固等命於梁鶉困獸斯驚終竝懸於厨

庇南齊書王融傳

此其必亡也猶自萬仞之山播而入深淵其死而不

振也必矣管子宙合

譬之猶廓革者也廓之大則大矣裂之道也淮南子道應訓

譬若載無轄之車以臨千仞之谷其不顛覆亦難冀

也孔叢子嘉言



高牆豐上激下未必崩也降雨興流潦至則崩必先  
矣草木根芟淺未必撼也飄風興暴雨墜則撼必先  
矣君子居是邦也不崇仁義尊賢臣以理萬物未必  
亡也一旦有非常之變諸侯交爭人趨車馳迫然禍  
至乃始憂愁乾喉焦唇仰天而嘆庶幾乎望其安也  
不亦晚乎韓詩外傳  
搆兵爭強而卒俱亾雖以進壞廣地如食煎之充賜  
也欲其安存何可得也鹽鐵論誅秦  
是猶措重寶於道路而莫之守也求其不亡何可得  
乎鹽鐵論世務

包丘子不免於甕牖高廬如潦歲之鼃口非不眾也

然卒歿於溝壑而已鹽鐵論毀學

眇雞無距與鵠交鬪翊折目盲為鳩所傷焦氏易林乾之遯

弓矢俱張把彈折絃丸發不至道遇害患焦氏易林乾之明夷

小狐渡水汗濡其尾焦氏易林蒙之師

樹植藿豆不得芸鋤焦氏易林訟之履

鱉蝦去海藏於枯里焦氏易林謙之明夷

精華墜落形體醜惡齟齬挫頓枯槁腐蠹焦氏易林豫之履

冰入炭室消亡不息焦氏易林隨之困

病篤難醫和不能治焦氏易林臨之益



病疾不醫下即蒿廬

焦氏易林觀之坤

斧斤所斫瘡痍不息鍼口不施下即空室

焦氏易林噬嗑之益

昧暮乘車履危蹈溝亡失羣物摧折兩軸

焦氏易林睽之履

執熱爛手大為災咎

焦氏易林姤之中孚

坎中蝦蟆乍盈乍虛三夕二朝形消无餘

焦氏易林困之睽

兕跛鹿蹄緣山墜墮

焦氏易林歸妹之睽

言太山將頽為池以喻君且失其位用心迷惑過惡

已成若江河之決不可涸塞也

王逸註楚辭七諫

言使蒯瞶無義之人登於清廟而執綱紀放棄聖人

咎繇於外野政必亂身危殆也

王逸註楚辭九歎

言駟馬驚奔雖有執轡之御猶不能制必摧車軛而

折其轅以言賢臣奔亾使國荒亂而傾危也

王逸註楚辭九

歎

無異策穿蹄之乘而登太行之險亦必顛躓矣

徐幹中論

審大

臣

不得其術者古人方之於冰盃之盛湯羽苞之蓄火

也

抱朴子內篇極言

然身中之所以為氣為血者株源已喪但餘其枝流

也

抱朴子內篇極言

夫災蟲害穀至降霜則殄矣佞雄亂羣值嚴時則敗



矣抱朴子外  
篇疾謬

重載不止所以沈我舟也昧進忘退所以危我身也

聚蝎攻本雖權安然必傾之徵也抱朴子外  
篇廣譬言

鄉黨之友不洽而勤遠方之求涖官之稱不著而索

不次之顯是以雖佻虛譽猶狂華干霜以寒曜不崇

朝而零碎矣雖竊大寶於不料冒惟塵以負乘猶鮮

介附騰波以高凌顧眄已枯株於危陸矣抱朴子外  
篇循本

披褐而喪珠失皮而露質兀若枯木泊若窮流顏氏  
家訓

勉學

潛朽之木不能當傾山之風含隙之崖難以值滔天

之濤抱朴子外  
篇廣譬

魏明帝善哉行曰權實豎子備則亾虜假氣遊魂鳥

魚為伍李善註文選孫子  
荆為石仲容書

薄戍綿羃無異蛛蝥之網弱卒瑣甲無異螳螂之衛

文選魏  
都賦

故函谷擊柝於東西朝顛覆而莫持文選東  
京賦

不知天網設張以在綱目爨鑊之魚期於消爛也文選

陳琳檄吳  
將校文

外失輔車唇齒之援內有毛羽零落之漸文選孫楚  
為石仲容

作書



嗟弊廬之難保若實稔之從風

廣文選沈休文郊居賦

薄冰當白日聚毛遇猛火雖欲遠害其勢不可

意林魏子

舟從流於河而無維楫求安不可得也

意林公孫文子

桀紂雖有天子之位而無一人之譽猶朽株枯樹逢

風則仆

意林正部

猶擗轡而繁策馳覆車之危路羣乘舟而無楫將何

川而能渡

藝文類聚雜文部賦賦

危殆之國治不益之民是猶薄冰當白日聚毛過猛

火也

藝文類聚水部冰

此禍水也滅火必矣

事文類聚宮嬪

漂櫓溺駮孱然已至亂麻積莽可為寒心

文苑英華盧思道檄

食鉤吻以療饑飲鳩毒以救渴

文苑英華杜弼檄

夫齋不訾之寶獨宿曠野其危甚於累卵比之秦猶

有泰山之安也

太平御覽珍寶部寶

奔車失轄泛舟無楫欲以不覆未之有也

太平御覽舟部敘舟

歧伯曰五官不辨闕庭不張小其明堂蕃蔽不見又

埤其牆牆下無基垂角去外如是者雖平常殆况加

疾哉

黃帝素問靈樞經五閤五使

俞永

人事

卷五十六

必敗

七



居君者為虜居虎者為鼠名在青雲之上身處黃泉

之下道德經指歸卷八

如其不爾無為抱石而濟長津矣漢武帝內傳

若以野葛一寸巴豆一兩入喉輒殭不得俛仰當此

之時周文據著孔父占象扁鵲操鍼巫咸叩鼓安能

令蘇復起馳走參同契

譬如稻莠節蟲即死海空智藏經持誡品

猶如河岸臨險之樹若遇驚颿必當顛墮元陽妙經卷一

違道失德如兒生無母如魚脫淵靈寶自然妙經

譬如枯朽之木遇風即折將崩之岸值水先頽養性延命

錄教誠篇

不異舉滄波以注燿火頽華嶺而斷涓流語其易也

甚於茲矣養性延命錄教誠篇

如仰唾天不離其身如仰射天箭還自中玉清經道化四夷品

如履湯炭稀不燒灼玉清經通濟幽冥品

如有商人無巧便智船在海岸未具裝治即持財物

安置其上推著水中速便進發是船中道壞没人船

財物各散異處波羅蜜多經卷三百一十二

譬如泛海所乘船破其中諸人若不取木器物浮囊

板片為依附者定知溺死不至彼岸波羅蜜多經四百四十四



譬如斷華著日中即為萎枯道行波羅蜜經卷三

譬如以鹽投水消滅無餘大寶積經七十三

如以蘇滴置炎鐵上欵自消滅大寶積經卷一百二十

如取水魚置夏日中熱惱所逼宛轉于地大寶積經卷一百二

猶如度海乘朽爛船於大海中或沉或浮大寶積經卷一百二

譬如有人吞金剛丸當知是人不久必死何以故彼

金剛丸不可消故大集菩薩三昧經卷十

猶眾盲兒各相扶持彼在前者不見於後亦不見中

彼在中者不見於前亦不見後彼在後者不見於中

亦不見前中阿含經卷三十八

如人執小木而入於巨海人不則俱沒雜阿含經卷十六

若樓若堂屋不覆若使雨來竿亦漬椽亦漬壁亦漬

已漬壁亦腐椽亦腐竿亦腐三觀經卷十

如海無主船隨風而東西本緣經毗羅摩品

譬如坏器值天降雨悉皆爛壞無有遺餘三界眾生

亦復如是遇無常雨無得免者本緣經持王子品

譬如兩人俱不曉泅墮於深水欲相勉濟反更溺死

譬如盲牽盲欲有所至中道迷惑竟不能達脩行道地經慈



譬如山水流行暴疾起曲橫波有人欲渡入水而洄

欲至彼岸迴波制還令在中流既疲且極遂沉波水

沒在其底脩行道地經數息品

佛言愛欲之於人猶執炬火逆風而行愚者不釋炬

必有燒手之患佛說四十四章經尺一

佛言人繫於妻子寶宅之患甚於牢獄桎梏榔檔牢

獄有原赦妻子情欲雖有虎口之禍已猶甘心投焉

其罪無赦佛說四十二章經尺一

如囚在獄四顧牢密唯有廁孔更無異路如人中毒

唯糞能治更無餘藥禪要呵欲經

如毒摩瘡船入洄復惡行流憊靡不傷剋法句經惡行品

如江河無水游魚無所依樹不皆摧折飛禽無所止

正法經卷一

法船欲破法城欲頽法海欲竭法幢欲倒法燈欲滅

說法人欲去大智度論卷二

譬如老病失力死事易得大智度論卷十四

如吞鉤之魚雖復遊戲池中當知出在外不久大智度論

卷六十六

譬如風雨在牛皮中則爛壞大智度論卷七十

喻亦人事必敗



是以投火有必糜之軀漂海無或生之命

法苑珠林卷六十五

### 狗外

咸道轉進離拇升腓腓體動躁者也感物以躁凶之

道也

王弼註 易咸

今不知道者見柔懦者侵則矜為剛毅見剛毅者亾則矜為柔懦此本無主於中而見聞舛馳於外者也故終身而無所定趨譬猶不知音者之歌也濁之則鬱而無轉清之則焦而不謳及至韓娥秦青薛談之謳侯同曼聲之歌憤於志積於內盈而發音則莫不此於律而和於人心何則中有本主以定清濁不受

於外而自為儀表也今夫盲者行於道人謂之左則

左謂之右則右遇君子則易道遇小人則陷溝壑何

則目無以接物也

淮南子 汜論訓

以瓦鉉者全以金鉉者跋以玉鉉者發是故所重者

在外則內為之掘

淮南子 說林訓

觀射者遺其藝觀書者忘其愛意有所在則忘其所

守

淮南子 說林訓

次六從其目失其腹測曰從目失腹欲不從也

太玄 經第

二從

汝不聞莒人有狗人而忘身者乎以千金遊於天下



必求其悅已者有不悅者則分金而惠之悅已者不  
盈千人而金竭遂憾而死今吾潔其躬而失蜀人之  
望非固也竊慮莒人之金不足以勝悅已之衆耳天祿

閣外史  
辭爵

夫勞形役智以應世務失其自然者也故堯有亢龍  
之喻舜有卷僂之談周公類之走狼仲尼比之逸狗

豈不或信哉莊子音  
義外物

夫人在陽時則舒在陰時則慘此牽乎天者也處沃  
土則逸處瘠土則勞此繫乎地者也慘則慙於歡勞  
則褊於惠能違之者寡矣文選西  
京賦

譬如愁人心意昏亂煩毒熱悶於此人前設諸幻術

木男木女木牛木馬羅列施張作諸戲術愁者見之

生牛馬想息諸煩惱心意泰然大乘妙  
林經

譬如青蓮鬢漂鼓隨波動大莊嚴經  
論卷四偈

### 飾貌

輔頰舌者言語之具咸道轉末在於口舌言語而已

故云咸其輔頰舌也周易正  
義咸

靜言庸違象恭滔天書堯  
典

貌象恭敬而心傲狠其侮上陵下若水漫天尚書正  
義堯典

蠶則須匡以貯繭而今無匡蟹背有匡匡自著蟹則



非為蠶設蜂冠無綫而蟬口有綫綫自著蟬非為蜂設亦如成人兄死初不作衰後畏於子臯方為制服服是子臯為之非為兄施亦如蟹匡蟬綫各不關於

蠶蜂也禮記正義檀弓下

色厲而內荏譬諸小人其猶穿窬之盜也與論語陽貨

男子樹蘭美而不芳繼子得食肥而不澤情不相與

往來也淮南子繆稱訓

不得已而歌者不事為悲不得已而舞者不矜為麗

歌舞而不事為悲麗者皆無有根心者淮南子詮言訓

畫西施之面美而不可說規孟賁之目大而不可畏

君形者亾焉淮南子說山訓

情貌不相副若穿踰之盜自古而患之鹽鐵論國病

次五鼎大可觴不齊不莊測曰鼎大可觴饗無意也

太玄經第四竈

口稱靜退心希榮利未得玄圃之棲禽九淵之潛鱗

也抱朴子外篇正郭

飾冠以玉炎好外見中非所有也前漢書註陳平傳

予非荆山璞謬登和氏場羊質服虎文燕翼假鳳翔

文選棗據詩

以犬羊之質服虎豹之文無衆星之明假日月之光



文選魏文帝  
與吳質書

隼翼鷗披虎威狐假廣文選庾子  
山哀江南賦

程曉女典曰麗色妖容高才美辭此乃蘭形棘心玉

曜瓦質困學紀聞卷  
十七評文

譬若錦韜矛羅縠裏鋒鋌愚者覩其表翫之以自殃

優慎王  
經衣六

如生盲人著金華鬘是不自知三戒經  
卷中

結跏趺端坐不動如大山其心內迷散情猶象墮澗

脩行道地  
經慈品

如是脩行者身定而心亂譬若樹狂華不成果而落

脩行道地  
經慈品

口言柔軟而心懷毒如種苦樹其華色鮮成果甚苦

脩行道地  
經慈品

譬如畫餅視表甚好裏空且冥脩行道地  
經慈品

如人得畫餅發之知不淨脩行道地  
經數息品

汝是不淨聚集諸穢惡物雖服珍妙衣如莊嚴廁舍

禪要阿  
欲經

### 亂真

孔子曰惡似而非者惡莠恐其亂苗也惡佞恐其亂  
義也惡利口恐其亂信也惡鄭聲恐其亂樂也惡紫



牙才  
卷五十一  
四  
恐其亂朱也惡鄉原恐其亂德也

孟子盡心下

西門豹為鄴令而辭乎魏文侯魏文侯曰子往矣必就子之功而成子之名西門豹曰敢問就功成名亦有術乎文侯曰有之矣鄉邑老者而先受坐之士子入而問其賢良之士而師事之求其好掩人之美而揚人之醜者而參驗之夫物多相類而非也幽莠之幼也似禾鰲牛之黃也似虎白骨疑象武夫疑玉此皆似之而非者也

戰國策魏文侯

魏志文帝

紀註

舍實逐聲之行是猶美西施而學其顰眉慕有道而折其中角所以為慕者非其所以為美徒貴貌似而已矣夫紫之亂朱以其似朱也故鄉原似中和所以亂德放達似達所以亂道然竹林之為放有疾而為顰者也元康之為放無德而折巾者也可無察乎

戴逵傳

晉書

使人大迷惑者必物之相似也玉人之所患患石之似王者相劍者之所患患劍之似吳干者賢主之所患患人之博聞辯言而似通者亾國之主似智亾國之臣似忠相似之物此愚者之所大惑而聖人之所



加慮也故墨子見歧道而哭之呂氏春秋疑似

梁北有黎丘部有奇鬼焉喜效人之子姪昆弟之狀

邑丈人有之市而醉歸者黎丘之鬼效其子之狀扶

而道苦之丈人歸酒醒而誚其子曰吾為汝父也豈

謂不慈哉我醉汝道苦我何故其子泣而觸地曰孽

矣無此事也昔也往責於東邑人可問也其父信之

曰謔是必夫奇鬼也我固嘗聞之矣明日端復飲於

市欲遇而刺殺之明且之市而醉其真子恐其父之

不能反也遂逝迎之丈人望其真子拔劍而刺之丈

人智惑於似其子者而殺其真子夫惑於似士者而

失於真士此黎丘丈人之智也呂氏春秋疑似

芻狗能立而不能行蛇牀似麋蕪而不能芳淮南子說林訓

譬若土龍文章首目具而非龍也葶歷似菜而殊味

玉石相似而異類鹽鐵論刺議

次五疇徒冬切黃疑金中測曰疇黃疑中邪奪正也太玄

經第五疑

魚目豈為珠蓬蒿不成櫝參同契箋註下篇

夫治世不得真賢譬猶治疾不得良醫也治疾當真

人參反得支羅服當得麥門冬反烝橫麥已而不識

真合而服之病以侵劇不自知為人所欺也乃反謂



方不誠而藥皆無益於病因棄後藥而弗敢飲而便  
求巫覡者雖死可也潛夫論 思賢

所患於其如砒砒之亂瑾瑜鷓鴣之似鳳凰凝冰之  
類水精煙熏之疑雲氣故令不謬者眇也抱朴子外 篇行品

佞與賢相類詐與信相似辯與智相亂愚直相像若  
齊芘之亂人參蛇牀之似藤蕪也劉子 心隱

蒼蠅間乎白黑紅紫似朱而非揚子法言 註吾子篇

黃精葉乃與鈎吻相似惟莖不紫花不黃為異而人  
多惑之其類乃殊遂致死生之反本草 黃精

珉似玉而非玉雞類鳳而非鳳物誠有之人故宜爾

廣文選范子 真神滅論

君子不以昏行易操不以夜昧易容夫自有高世之  
名必有負俗之累有絕羣之節必嬰謗嗤之患白骨  
擬象魚目似珠遙聽遠望無不亂也意林 唐子  
如似被金塗磨時色不顯金若不真者以石磨則知

大莊嚴經 論卷七偈

忌猶紫之妨薰朱器雉珉之亂鳳玉弘明集 十

嗟夫北里之亂雅惡綠之奪黃也弘明集 正誣論

失真

蚩兄死者言其衰之不為兄死如蟹有匡蟬有綏不



為蠶之績范之冠也

鄭氏註禮檀弓下

燕人生於燕長於楚及老而還本國過晉國同行者誑之指城曰此燕國之城其人愀然變容指社曰此若里之社乃喟然而嘆指舍曰此若先人之廬乃涓然而泣指壠曰此若先人之冢其人哭不自禁同行者啞然大笑曰予昔給若此晉國耳其人大慚及至燕真見燕國之城社真見先人之廬冢悲心更微

列子

周穆王

郢人有遺燕相國書者夜書火不明因謂持燭者曰舉燭云而過書舉燭舉燭非書意也燕相受書而說

之曰舉燭者尚明也尚明也者舉賢而任之燕相白

王大說國以治治則治矣非書意也今世舉學者多

似此類

韓非子外儲說左上

亾國戮民非無樂也不樂其樂溺者非不笑也罪人

非不歌也狂者非不武也亂世之樂有似於此君臣

失位父子失處夫婦失宜民人呻吟其以為樂也若

之何哉

品氏春秋大樂

次三畫象成形孚無成測曰畫象成形非其真也

太

經弟四禮

風之與虎亦同氣類設為土虎置之谷中風能至乎



夫土虎不能而致風土龍安能而致雨

王充論衡亂龍篇

情苟類焉則雖形不與同而物無害心情類苟亾則

雖形同母子而不足以固其志矣

郭子註莊德充符

慕賞而孝去真遠矣斯尚賢之過也其波蕩傷性遂

至於陪河

郭子註莊外物

不雜為淳以水澆之則味滴薄樸大質也割之則散

也

前漢書註黃霸傳

魏略云大秦國出赤白黑黃青綠縹紺紅紫十種流離此蓋自然之物采澤光潤喻於衆玉其色不恒今俗所用皆銷治石汁加以衆藥灌而為之尤虛脆不

真實非真物

前漢書註西域傳

圖形於影未盡纖麗之容察火於灰不覩洪赫之烈

是以問道存乎其人觀物必造其質

文選陸機演連珠

一犬吠形百犬吠聲

意林潛夫論

譬如畫師畫形而非真形

无上內秘藏經顯功德品

譬若木人機關作之既畢解剝其體節節相離手足

狼藉

優填王經衣六

如有男子欲見大海遊到陂沓及泉江河於彼求寶

而獲水精小明月珠自以還得金剛尊光

脩行道地經緣覺品

譬如有人欲見天帝而覩邊王則謂是帝欲學正覺



意有齊限不解深慧還墮緣覺亦如是也

脩行道地經緣覺品

如機關木人動雖能動作內無有主

大智度論卷三十

如油中見像黑則非本色如五尺刀中橫觀則面像

廣縱觀則面像長則非本面

大智度論卷三十六

有一山羌偷王庫物而遠逃走爾時國王遣人四出

推尋捕得山羌答言我衣乃是祖父之物王遣著衣

實非山羌本所有故不知著之應在手者著於脚上

應在胷者反著頭上借以為譬王者如佛寶藏如法

愚癡羌者猶如外道竊聽佛法著已法中以為自有

然不解故布置佛法迷亂上下不知法相如彼山羌

得王寶衣不識次第顛倒而著

百喻經卷上

昔有一人入山學道得五通仙天眼徹視能見地中

一切伏藏種種珍寶國王聞之心大歡喜便語臣言

云何得使此人常在我國不餘處去使我藏中得多

珍寶有一愚臣輒便往至挑仙人雙眼持來白王臣

以挑眼更不得去常住是國王語臣言所以貪得仙

人住者能見地中一切伏藏汝今毀眼何所復住

喻

經卷上

忽已

人病舍其田而芸人之田所求於人者重而所以自



任者輕孟子盡心下

吾不貴其用智之如目見毫毛而不見其睫也今王

知晉之失計而不自知越之過是目論也史記越世家

以兩手而揜人之聰明自以為得也而不知其聾聵

之疾已移於已也子華子晏子

楊朱見梁王言治天下如運諸掌梁王曰先生有一

妻一妾而不能治三畝之園而不能耘而言治天下

如運諸掌何也列子揚朱

政亂而惡人之非已也致不肖而欲人之賢已也心

如虎狼行如禽獸而又怨人之賊已也荀子脩身篇

縷因鍼而入不因鍼而急嫁女因媒而成不因媒而

親夫子之材必薄矣尚何怨乎寡人哉說苑善說

夫薑桂因地而生不因地而辛婦人因媒而嫁不因

媒而親子之事王未耳何怨於我新序雜事

蔡生欲安項咸陽不能移又亨之或者未辯歟曰生

捨其木猴而謂人木猴亨不亦宜乎揚子重黎篇

已身變異則外物所不達故有是非之議不內求諸

已而厚責於人亦猶楊布服異而怪狗之吠也張湛註

傳符

譬如藥師持藥囊行而自身病不能療治大寶積經卷一百一



譬如醫滿一具器藥不能自愈其病

佛遺日摩尼寶經推六

譬如有人渴欲飲水若至泉池若陂若井未飲其水

先擲糞穢寘中擲糞寘已還欲飲水聞水臭穢憎惡

不飲不說自汙因緣反說彼過奇哉此水甚大臭穢

自過不曉而與彼水作其過咎

發覺淨心經卷上二衣四

猶如癩病人而為諸世間廣說治癩方自病不能救

安能療他疾

鴛堀摩羅經卷二

猶如有人捨已禾稼鋤他田苗

長阿含經卷十七

是如盲執燭照彼不自明

法句經多聞品

猶如盲人不自見過

本緣經毗羅摩品

昔有一人其他相瞋愁憂不樂有人問言汝今何故

愁悴如是即答之言有人毀我力不能報不知何方

可得報之是以愁耳有人語言唯有毗陀羅咒可以

害彼但有一患未及害彼反自害已其人聞已便大

歡喜願但教我雖當自害要望傷彼

百喻經卷下



其律一人其出日則則變不樂存人問言於今下  
 樂林言人不自以鼓本局密地



